

南軒先生詩集總目

卷一 辭三首 賦二首
古詩二十七首

卷二 詩四十九首

卷三 詩三十二首

卷四 律詩七十二首

卷五 律詩六十首

卷六 律詩三十六首

卷七 律詩八十八首

下有文集三十七卷不及盡錄



南軒先生詩集卷第一

詞

風雩亭詞

嶽麓書院之南有層丘焉於登覽為曠建安劉公
命作亭其上以為青衿遊息之地廣漢張某名以
風雩又繫以詞

眷麓山之回隩有絃誦之一宮
楹蔚青林兮對起背絕壁之穹窿
獨樵牧之往來委榛莽其蒙茸
試芟夷而卻視翁衆景之來宗
擢連娟之修竹森偃蹇之喬松
山靡靡以旁圍谷窈窕而潛通
翮兩翼兮前張擁千麾兮後從
帶湘江之浮渌矗遠岫兮橫空
何地靈之

廣漢張

栻敬夫



久閱昉經始乎今公悅棟宇之宏開列闌楯之周重
撫勝槩以獨出信茲山之有逢予揆名而詠義爰遠
取於舞雩之風昔沫泗之諸子侍函丈以從容因聖
師之有問各踞陳其所衷獨點也之操志與二三子
兮不同方舍瑟而鏗然諒其樂之素充味所陳之紆
餘夫何有於事功蓋不忘而不助示何始而何終于
鳶飛而魚躍實天理之中庸覺唐虞之遺烈儼洋洋
乎目中惟夫子之所與豈虛言之是崇嗟學子兮念
此邈千載以希蹤希蹤兮奈何盍務勉乎恭敬恭審
操舍兮斯須澶戒懼兮冥濛防物變之外誘遏氣習
之內証註浸私意之脫落自本心之昭融斯管人之妙
旨可實得於予躬循點也之所造極顏氏溪工登斯

亭而有感期用力於無窮

謁陶唐帝廟詞

宋淳熙四年靜江守臣張某既新陶唐帝詞祠以二

月甲子率官屬祇謁祠下再拜稽首退而歌曰

溪交流兮谷幽山作屏兮層丘木偃蹇兮枝相樛皇
胡為兮于此留藹冠佩兮充庭潔芳馨兮載陳純衣
兮在御東風吹兮物為春皇之仁兮其天四時叙兮
何言出門兮四顧渺宇宙兮茫然

公安竹林詞迎神送神樂章

神之來兮何許風蕭兮吹雨悄屏氣兮若息儼霓
旌兮來下昔公車之自南民望車以敬獻今乘駒兮
入廟亦孔悲兮若初秋月兮皎、嚴霜兮凜、澤終

古考何窮噫微管吾其左衽酌荆江以為醴兮擷衆
芳以為羞歌烏鳴兮鼓坎坎惠我民為此留神之去
向所游風颯颯挾歸駟修昭明兮上征撫一氣兮橫
九州有新兮斯宇竹森森其在戶嗟我民兮勿傷公
時來兮一顧有新兮斯堂竹猗猗其在旁嗟我民兮
勿替公顧民兮不忘

賦

遂初堂賦

洛陽石伯元作堂於所居之北榜曰遂初廣漢張
某為之辭曰

皇降衷于下民兮粵惟其常倚於穆而難名兮維生
之良翁衆美而共存兮不顯其光彼孩提而知愛親

兮豈外鑠繫中藏年燁燁而寢長兮紛事物之交相
非元聖之生知兮懼日遠而日忘緣氣稟之所偏兮
橫流始夫濫觴感以動兮不止乃厥初之或戕既志
帥之莫御氣決驟以翱翔六情放而曷禦百骸弛而
孰強自青陽而逆旅暨黃髮以茫茫儻矍然於中道
盍反求於厥初厥初如何夫豈遠歟彼圃畝以向井
我惻隱之拳如驗端倪之所發識大體之權輿如寐
而聰如迷而途知睨視之非遐乃本心之不渝嗚呼
予既知其然矣予惟以遂之若火始然而泉始達兮
惟不息以終之予視兮母流予聽兮母從予言兮母
易予動兮母躬惟自反兮于理茲日新兮不窮逮克
實而輝光信天質之本同極神存而適化亘萬世以

常通嗚呼此義之文所謂復而顏氏之子所以爲道
學之宗也歟吾友石君築室湘城伊抗志之甚遠揭
華榜以惟新命下交兮勿固演妙義以旁陳探上古
之眇微得斯說於遺經謂非迂而匪異試隱几而一
聽然則茲其為遠初也又豈孫興公所能望洋而矐
塵者乎

後杞菊賦

張子為江陵之數月時方中春草木敷榮經行郡圃
意有所欣非花柳之是問眷杞菊之青青爰命采掇
付之庖人汲清泉以細烹并五味而不親甘脆可口
蔚其芳馨蓋日為之加飯而它物幾不足以前陳飯
已捫腹得意謳吟客有問者曰異哉先生之嗜此也

昔坡公之在膠西值黨禁之方興歎齋厨之蕭條乃
攬乎草木之英今先生當事之世無據方伯之位校
吏奔走頤指如意廣厦延賓毬場享土清酒百壺鼎
臠俎歲宰夫奏刀各獻其技顧無求而弗獲雖醉飽
其何忌而乃樂從夫野人之餐豈亦下取乎葑菲不
然得無近於矯激有同於脫粟而被者乎張子笑而
應之曰天壤之間孰為正味厚或腊毒淡乃其至猩
唇豹胎徒取詭異山鮮海錯紛糾莫計苟滋味之或
偏在六府而成贅極口腹之所欲初何出乎一美惟
杞與菊中和所萃微勁不苦滑甘靡滯非若他蔬善
嘔走水既瞭目而安神復沃煩而蕩穢驗南陽與西
河又頽齡之可制此其為功曷可殫紀况於膏粱之

習貧賤則廢雋水之求不得則志茲隨寓之必有雖
約居而足恃殆將與之終身又可貽夫同志子獨不
見吾納湖之陰乎雪消壤肥其茸萋蕤與子婆婆溥
言撥之石鉞瓦椀吸汁咀齏高論唐虞詠歌書詩嗟
乎微斯物孰同先生之歸於是相屬而歌殆日晏以
忘飢

古詩

送八兄

彌旬積雨穗生耳冬壑未渠收潦水圍爐情話政爾
佳乃復歸舟行萬里三年百感卧湘城風急鷓鴣原
上情豈無他人意獨真每覺軟語溫如春少年銳氣
凌八區晚以樂義稱鄉閭聞人有急若已如天報兩

子雙明珠小隱卜築蘭溪邊脩篁喬木今參天是非
榮辱不到處卷書一榻清晝眠人言壽骨隱修眉慶
事鼎鼎供期願豈惟宗族託軌範政倚晚節增光輝
有弟有弟復何為杜門讀書人謂癡故山未遂掃松
顛江頭獨立送歸時

力士游嶽麓圖

閉門六月汗如雨出門襜褕紛塵土文書堆案曲肱
卧夢逐征鴻過前浦西山突兀不可忘勇往政須求
快睹朝曦未升起微風中流呶啞挾鳴槽長林秀色
已在望有如出語見肝腑意行爰此松陰直眼明還
喜碑字古高低梵釋著幽居深穩仙家開闕宇忽看
宮墻高十丈學宮峩峩起鄒魯斯文政倚講磨切石

室重新豈無補危梯徑上不作難橫欄截出可下俯
惟茲翼軫一都會往事繁華雜歌舞變遷返覆寧重
論昔日樓臺連宿莽邇來人物頗還舊豈止十年此
生聚泉流涓涓日循除華表何時鶴來語炎氛知不
到山林茗盃蒲團路對香縷鼎來杖屨皆勝引季也亦
復同步武洛陽年少空白頭三閭大夫浪自苦一笑
便覺真理存高談豈畏丞卿恐不圖畫僧聖得知貌
與兒童作夸詡請君為我添草堂風雨蕭蕭守環堵
次韻伯承見簡探梅之什且約人日同遊城東
江湖漫浪歲年晚雖有梅花誰寄遠城中可人獨吳
郎不惜日力供徃返東郭枝頭玉雪明下有清淺溪
流橫新春好趁花前約莫待飄零空作惡

張安國約同賦仇氏壘酒

人間炎熱不可耐君家甕頭春未央想當醉倒卧永
日夢遶清淮歸故鄉後生那得識此酒從今乞方還
肯否徽州作賦為歛歔荆州詩來端起予

李仁父寄伏苓酥賦長句謝之

岷峩山中千歲栢枝虬幹直摩青空雪霜剝落中不
槁膏液下與靈泉通龜跬伏自磊何金堅玉潔仍
豐融篝明夜取喜得雋鼎煮朝聽如吟風杵成坐上
看飛雪更和酪乳收全功當知至味本無味子若服
之壽無窮莫巽巖脊梁硬如鐵冠峩切雲佩明月百好
都隨春夢空大藥獨傳鴻寶訣中宵咀嚼不搖頭玉
池生肥噉不徹憐我百慮形全衰裘贈扶持意何切

丹砂着根謾爾傳脂澤釀黍計已拙由来妙道初不
煩此法莫從兒輩說徑思舉袂揖浮丘下視塵世真
一呖朱顏留得亦何為追逐同堅歲寒節

和吳伯承

一葦湘可航風濤速春深裴臺咫尺地勇往復雨淫
牖前幾紅藥俛首如不禁悠悠覽物化了了知予心
卜隣得佳士問學方駸駸端如雲間鶴不受塵埃侵
應門有長鬚杖策許相尋匪為食有魚把棧采墻陰
聽我清廟詩三嘆有餘音洋洋百世下斯道豈墮沉
君看有本源發端自泠泠頭君勉勿倦抱膝試長吟
儻臻名教樂何必懷山林新詩尚來嗣庶以貽規箴
用前韻送彪德美

嘗嗜貴知味短綆難汲深讀書不能發但自成書淫
况復翻異說潢流渺難禁豈知言意外妙此惟微心
初無古今異歲月謾駸駸五峯講學地歎息風雨侵
前時約同途舊遊愴追尋鳴鳳不可見修竹餘清陰
斯文天未喪千載發韶音春風滿天宇魚鳥自飛沉
河流貫霄極芥舟膠寸泠神交獨吾子妙處但微吟
文會匪易得未應歸故林君無泉石癖膏肓詎須箴

再用前韻

元化首萬類聖學極幾深有如亞聖賢尚謹始與淫
淺見僅一斑歡喜不自禁豈知天地全於穆千聖心
嗟哉我學子進道宜駸駸立志務弘毅異說毋交侵
仁端驗發見精微試探尋超然見大體皎日破重陰

重新鄒魯傳挽回韶濩音當年不自勉與物終堙沉
神龍倏變化豈復顧泥淖有來南山友更唱共迭吟
群材欲封殖杞梓看成林慙慙勸學子逆耳成良箴

采菊亭

陶靖節人品甚高晉宋諸人所未易及讀其詩可
見曾次灑落八牕玲瓏豈野馬遊塵所能棲集也
前建安丞張君精力未衰即掛冠家于瀏湯有年
矣葺小園為亭面南山來求予名予名之曰采菊
取靖節所謂采菊東籬下悠然見南山嗚呼靖節
興寄深遠特可為識者道耳

陶公千載人高標跨餘子豈無濟時念斂陰獨知止
歸來卧衡門無愠復何喜九日天氣佳東籬擷芳蕊
舉頭見南山佳處政在此地偏心則遠意得道豈否
張侯謝銀魚築室娛燕几小亭才尋丈景物自新美
頗聞雙瞳清亦復強步履不妨數登臨倚杖看雲起
高詠悠然篇飛鴻送千里

送楊廷秀

自吾友若人歎息恨不早相逢未出語已足慰懷抱
寒胸逾浹旬百慮略傾倒霜晴不留客別語詎能好
不盡此時^情盡梅邊試探討

又

昔人忘言處可到不可會還須心眼清^親未許一埋蓋
辭章抑為餘子已得其最當知鄒魯傳有在文字外

平生風雨夕每念名節難窮冬百草歇手自種琅玕
吾子三十策字字起三歎豈欲求人知正自一心丹
請哦頌人詩匪為樂考槃

送鮮于大任入成都幕

虜馬昔飲江扁舟憶同驚翁方為國謀客以名義故
安危匪前料得失渠異趣淮壩渺風雪王事有程度
息偃多在床君車不停駐初無作難色所立詎憊素
嗟我吳門別風木歲徂暮相逢復湘城往事忽回顧
獨餘後凋心特立凜不懼莫邪雖云利寧作囊錐露
善藏要有待小試隨所遇終無缺折虞豈但走狐兔
吾州得良牧民力或可裕本根賴封殖疆索費調護
從容試長思取急無窘步作別忽草草懷抱復誰付

他時下瞿塘訪我林下屨僅於功名餘更講末後句

同遊嶽麓分韻得洗字

遊觀不作難呼舟度清泚新晴宿潦淨群山政如洗
上方著危欄萬象見根柢寒泉自可酌况復雜肴醴
高談下夕陽邂逅玄鑰啟中流發浩歌月色在波底

送張深道

秋風木葉落送客麗譙東豈懷兒女戀愛此趣味同
至理無轍迹妙在日用中聞言有不信渠自馬牛風
吾子實所畏立志高冥鴻卓然遊聖門不受異說訐
切磋豈不樂媿非斲鼻工於皇太極蘊精微浩無窮
願言終玩繹默參元化功

人言底柱險袖手不敢通孰知人心危毫釐千萬里

有來事物繁酬酢無披靡雖云應不難要且辨真偽
良知本易直天機驗所趨涵濡自日新日新乃無敵
聖學非空言要領故在此吾子端發源所進渺涯淡
我雖念不敏詎敢忘所止後會僅有時深功同舉侶

留題金山寺

長江岷山來灌注天下半東行近海門勇往更瀾漫
蒼巒忽中流屹立助傑觀孤根入層淵秀色連兩岸
我來最竒絕霜月與璀璨褰衣到絕頂恍若上河漢
悠然發遐思俯仰為三嘆乾坤無餘藏今古有長養
更深寂群動樹杪獨鳴鶴回頭喚山僧為記此公案
送范西叔教授西歸
乃祖至和間忠謀書鼎彝但知陛下聖豈知我言危

元祐愛君語讀者猶涕洟典刑今不亡盛德故在茲
歲晚子過我秀若齋房芝持身蹈規矩出語無瑕疵
向來長安道詎肯舍靈龜萬里一泮宮行囊幾新詩
湘山足幽勝而水清漣漪登臨豈不樂邂逅枌榆思
我懶抱僻學絕絃理朱絲子獨慕千載悠然契心期
豈不為我留感此節物移臨歧撫陳編為子三噫嘻
高深諒何極循求有端倪願言勉事此奕葉光前規
王長沙梅園分韻得林字

今君五畝園不問蓬蒿深江梅忽秀發邂逅成賞音
一笑領諸客掃地坐墻陰清芳到酒面落蕊飄衣襟
月出未忍去起舞獨微吟人自賞晤耳問花亦何心
花雖有開落意則無古今須君戒勿折嘉實看成林

送郡懷英赴召

自君之西來吾徒獲三益匪惟欣晤言望見意已適
俯仰歲再更交情共金石翩然別我去寧復得此客
諸公有推轂詔下亟傳驛嘉言久填芻往覲天咫尺
豈其湘水邊而可滯六翮雖深惜別思敢後天下責
嗟哉善利途鷄鳴分舜蹠浮雲起毫釐乃有泰山隔
持身與謀國茲義貫於一君候天資高遇事無逼迫
所立凜不回舉手謝物役保此方寸印勿受一塵隙
廓然麗昭回萬象歸指畫富貴豈君心事業追往昔
贈言不能工庶以永無斁

陪安國舍人勞農北郊分韻得闌字

寒收花尚瘦風靜江不湍元戎肅千騎歷覽無留難

好景要徐出微雲故遮闌惟春布嘉惠公豈樂遊觀
龐眉八十老扶杖來蹒跚去年幸一稔何以報長官
酌酒公自勞得無有愁嘆嗟哉三章約所貴簡且寬
黃堂載清靜自覺田里安須公出妙語茲遊記不刊

安國晚酌葵軒分韻得成字

桐花三月寒風雨滿江城使君晚被酒千騎過友生
名談宿霧捲逸氣孤雲橫揮斥看墨妙笑語皆詩成
人物有如此爾輩賴主盟更呼南鄰客共此樽酒傾
愛我庭下竹頭角方崢嶸永懷冰雪姿寧復世俗情
新篇一漭被凡木不足程願言謹封殖歲晚長敷榮

安國置酒敬簡堂分韻得柳暗六春字罾

桴鼓息荒村襍褻盛南畝永日省文書呼客共樽酒

主人出塵姿宛是靈和柳行歸帝所遊此地豈淹久
公卧百尺樓餘子可下瞰我每奉談塵汲古得深探
身外皆為餘此道要無憾從渠梅雨天陰晴遞暗明
公憎孔壬面恠石乃寓目夜堂發深藏林立驚滿屋
我亦苦嗜此一見下秋伏何當載而歸妙策三十六
堂下列絲竹堂上娛佳賓相看未艾夜樂此笑語真
風流今屬公我輩但逡巡文章千古意翰墨四時春
同元晦擇之遊嶽道遇大雪馬上作

驅車望衡嶽群山政參差微風忽南來雲幕為四垂
炎官挾尊收從以萬玉妃庭螢亦何有尺璧仍珠璣
竒貨吾敢居妙意良自知林巒修變化轍迹平高低
喬松與修竹錯立呈瑰姿清新足遐寄浩蕩多餘思

平生湘南道未省有此竒况復得佳友晤言相追隨
茅簷舉杯酒旅榻誦新詩更約登絕頂同觀霽色時

詩送元晦尊兄

君侯起南服豪氣蓋九州頃登文石陛忠言動宸旒
坐令聲利場縮頸仍包羞却來卧衡門無媿自日休
盡收河海氣仰希洙泗遊不遠關山阻為我再月留
遺經得紬繹心事兩綢繆超然會太極眼底無全牛
惟茲斷金友出處寧殊謀南山對床語匪為林壑幽
白雲政在望歸袂風颺鰲朝來出別語已抱離索憂
妙質貴強矯精微更窮搜毫釐有勿察體用豈周流
驅車萬里道中途可停輶勉哉共無斃邈矣追前修
遊南嶽風雲未已決策登山用春風樓韻

人言南山巔煙雲聳樓觀俯瞰了坤倪仰攀接天漢
勇往愧未能長吟湘水畔茲來渺遐思風雲豈中斷
行行重行行敢起自畫歎我聞精神交石裂冰可泮
陰沴驅層霄杲日麗旭旦決策君勿疑此理或通貫

依明嘉靖劉次翠巖堂本校正

丙子正月初六日菴園老人記



南軒先生詩集卷第一

南軒先生詩集卷第二

古詩

陳

陪舍人兄過仲思陳溪亭深有買山下鄰之意
舍人兄預以顛壑見名因成古詩贈仲思

築居湘水濱歲月亦已久寧知負郭東勝處入君手
回環烟塢深有此溪十畝朝噉穿林薄荷氣薰戶牖
堂堂我州牧下馬喚賓友主人故喜事一笑具觥款
汲泉泛崇蓮洗醖傾榘酒淋漓壁間書自可傳不朽
我獨留薄莫並溪時矯首人言君不偶此豈落人後
觀君眉宇間似亦挾所有隔溪更幽絕古木蔭高阜
却立望遙岑四序列鐘齒買山吾計決便欲剪榛莠
居然顛一壑豈羨印如斗未知鄰家翁還肯見容否

送然姪西歸二首

堂堂希白翁共惟同出自百年詩禮傳名教有樂地
嗟予力未勝永抱蓼莪意積累蓋百艱承家豈云易
惕然履淵冰中夜耿不寐恊心望爾曹勉力紹前志
歲晚斯有成庶或保無墜

自子來見我倏焉十六秋一聞沂上音此意便綢繆
中間豈不別會合同轉頭今茲舍我去萬里不復留
豈不能挽子懼子為親憂六月送歸船我思與悠悠
愛子剛毅資不作統指柔頌子進問學琢磨須自修
居然知見廣百病會有瘳謂誰道云遠行矣當深求

送黃子默

元祐不復見太史今諸孫人物尚論世典刑故猶存
酣歌拓金戟三年佐雄藩超然車馬中高韻獨孤騫
永懷白鷗盟修竹滿故園得句見眉睫外慕何足言
顧以感知已跋馬向修門朝開英俊途王度待討論
小試翰林手乘槎薄崑崙我懶卧衡麓秋風擷蘭蓀
交遊難益落拭目看騰掀軒冕豈足貴政爾名義尊
執手念相聞此意古所敦

過胡文定公碧泉書堂

入門認溪碧循流識深源念我昔此來及今七寒暄
人事幾更變寒花故猶存堂堂武夷翁道義世所尊
永袖霖雨手琴書賁丘園當時經行地尚想語笑溫
愛此亭下水固若玻璃盆晴看浪花湧靜見潛鱗翻
朝昏遞日月俯仰鑑乾坤因之發深感倚檻更忘言

次韻德美碧泉感舊之什且約胡廣仲伯逢季
立來會上封

相逢傾蓋地回首歎川上士窮不足怪但喜氣愈王
凜然歲寒姿儒林有龍象棲遯似隱君矍鑠真詩將
惟應一彈指欲了四大藏舊習想冰消豈復留餘恙
新篇更紆餘和氣與醞釀却思東魯遊幾載南陽葬
風霜摧宰木日月隨過浪豈期經世心晚歲成獨往
蕭然屋半欹使我懷抱愴獨有千載傳此事可憑仗
細觀宇宙間何得復何喪尚期浮雲開衡嶽來見狀
秋壑采蘭蓀霜林收栗椽曉看日浮空夜賞雪侵帳
更憐二三友前山屹相望文會僅來尋勝踐天所相
妙理須細論長歌却雄放褰裳請勿疑當仁應不讓

自西園登山

雨後溪重碧木落山增明西風肅群物感此秋氣清
振衣千崖表俯瞰萬籟生匪云幽遐慕政爾未忘情
路出祝融背仰見上封寺遂登絕頂

我尋西園路徑上上封寺竹輿不留行及此秋容霽
燈危霜葉滑林空山果墜崇蘭供清芬深壑遞幽吹
不知山益高但覺冷侵袂路回屹陰崖突兀聳蒼翠
故應祝融尊群峰拱而侍金碧雖在眼勇往詎容憩
絕頂極遐觀脚力聊一試昔遊冰雪中未盡登臨意
茲來天宇肅舉目淨纖翳遠適無遁形高低同一視
永惟元化功清濁分萬類運行有機緘浩蕩見根柢
此理復何窮臨風但三喟

中夜祝融觀月

披衣凜中夜起步祝融巔何許冰雪輪皎皎飛上天
清光正在手空明浩無邊群峰儼環列玉樹生瓊田
白雲起我旁兩腋風翩翩舉酒發浩歌萬籟為寂然
寄言平生友誦我山中篇

晨鐘動雷池望日

浮氣列下陳天淨澄秋容朝暎何處升彷彿認微紅
須臾眩衆采闔闔開九重金鉦忽湧出晃蕩浮雙瞳
乾坤豁呈露群物光芒中誰知雷池景乃與日觀同
徒傾葵藿心再拜御曉風

道旁見穫者

腰鎌聲相呼十百南畝穫婦持黍漿饋幼稚走雀躍

辛勤既百為幸此歲不惡王租敢不供大室趣逋約
雖云粒米多未辦了升龠姑寬目前飢詎有卒歲樂
樂歲尚爾為一歉更何託書生獨多憂何以救民瘼

臘後一日尋梅東門外馬上遇雪

羸驂出東郭靜與幽意期尋梅冷入眼野路信所之
寒萼新未吐我自愛橫枝雪花忽排空成此一段奇
歲晚故人闊大寒鴻雁稀南國少霜霰北山多巖薇
坐看節物改莫遣心事違角巾風獵獵日暮獨吟歸

雪中登樓分韻得未字

南州冬多溫一雪已可貴今年臘三白故足蘓品彙
朝來並危欄舉酒聊自慰翩翩著客衣漠漠亂雲氣
珪璧滿天地造物初不費更邀二三友暗賞見風味

燭主僕尚更酒苦餘亦既仍遣探梅花已折南枝未
笋脯一平馳寄因和去歲詩為一笑春笋未盛
尚續致也

權門極珍羞未辨食龍肉我家相楚山籜龍飫奴僕
淮南戶戶有黃虀公今徑歸亦不癡更包笋脯贈行
李定應笑殺長安兒

湖南使者邵公召赴在所寓客張某敬賦以餞
行李

公來使湘州氣象自淳美不為察察明自謂平平耳
未須走原隰但使心如水儻無耳目蔽庭戶卽千里
頃聞上封章便欲返桑梓其如矍鑠姿難著湖山裏
春風一札下趣往覲天咫新淥渺滄洲揚舲一何駛

士方處遠外憂國抱蘊底寧應立君前輔車有或杞
煌煌四門開側席問民疾百慮頓畢陳高風泚餘子
次韻元晦擇之雲中見懷

流水浩無息遊雲去不休我思在何許起步三徑幽
男子四方志胡為守一丘盍簪未可期此意空綢繆
平生子未子砥柱屹橫流探古獨遐觀萬象供雙眸
結友得林子苦心事窮搜看渠清介姿便可披羊裘
昔者千里駕共我風雪遊永言清絕景祇以好語酬
居然隔年別却喜翰墨留詩來尚記憶知子不我尤
講習今難忘離索古所憂但當勉耘耔歲晚儻可收

送甘甥可大從定叟弟之桂林

季也有行役我思獨悠悠親朋非不多子能從之遊

挂席上湘水青山挾行舟籃輿問領路政爾蒞子秋
人言桂林好頗復類中州近郊多勝槩雉堞冠層樓
待渠幙府暇時與同冥搜吾子有令姿胷中富九流
處世多齟齬但當付滄洲超然擯遐思詎可耳目謀
頭為百鍊剛莫作繞指柔昔人不吾欺子盍試反求
預想他年歸此地復綢繆刮目看二子一笑紓百憂
湘中館餞定叟弟分韻得位字

江樓依夜闌樽酒留客醉挽衣更小語不盡今夕意
吾家德義尊此豈在名位勉哉嗣芬芳停此寬別思
廣漢黃仲東即轉運使所治之東作亭扁以楚
翠蓋取杜陵所謂楚岫千峯翠者曾客賦詩
維衡屹南荒作鎮自開闢蟠根結地厚面勢倚空碧

陂陀數州境高下相接迹麓山乃其趾神秀固未極
定王千里城處處見山色知誰長在眼嗟此塵中客
觀風君獨暇延納到几席得句况忘言寄興渺今昔
自君之東來民瘼極探索仁言輒九關寧懼虎豹厄
諏詢遍南畝民肥吾則瘠築亭一舒嘯逮此百憂隙
看山儻不愧隱几亦聊適寄語後來者此意當無數
三茅觀李仁父劉文潛員顯道趙溫叔崔子淵
置酒分韻得高字

節物歲云暮九衢塵滿袍起我二三友招要步林臯
仰看冥飛鴻俯覽千丈濤石徑上深窈竹風更蕭騷
杯槃自真率更瀉濁醪歎我會合難慰我涉歷勞起
薰然鄉社遊飲少意已陶我亦壽長者萬里欣所遭
卷二

嗟哉事業艱逝矣日月滔古義重金石外物真秋毫
願言共勉厲勿負岷山高

寒食前三日野步烏龍山中石上往往多新芽
手撷盈掬酌玉泉煮之芳甘特甚有懷伯承兄
賦此以寄

披雲得新腴竟泉聽松風香永味自真不與異品同
悠然薄莫留歸來隱踈鐘念昔湘濱遊年年撷芳叢
遲日照高嶺新雷驚蟄龍落磴快先吸鼓腹欣策功
夜燈紫筠牖香生編簡中誰與共此樂臭味有鄰翁
竭來七里城日月轉飛蓬山川豈不好予憂日冲冲
酌此羞自慰思君復無窮

六月晦發雪川廣德兄與諸友飲餞于漁山已

而皆有詩贈別寄言此謝

平生苔雪夢邂逅此登臨青山秀而遠溪水潔且清
浮玉千古色飛鳳向年音小丘闢荒薈修竹初成林
居然得此客領略還披襟已歌棠棣詩更作伐木吟
兄嗟弟行役友念朋盍簪情深語更實意到酒自斟
荷風生薄莫涼雨洗遙岑翻然放舟去別緒故難任
我行日以遠佳處長會心作詩寄餘韻併以謝幽尋

遊靈巖

我登姑蘇臺笑指前溪水水從具區來古色映清泚
明朝泛舟去兩岸雜蘋芷紫紆知幾曲舉目皆可喜
稻熟千頃黃秋入西山紫踈鐘度橫塘青帘穿野市
忽驚秀氣逼突兀平地起飛閣出林顛穹石滿山趾

藁塞上深徑鳴蟬聲聒耳木罅露遐觀欲進足屢止
梵宮開何年金碧煥相倚上方納湖光千里淨如砥
中峯向亭亭正爾當燕几沙闊鷗鷺微水落魚龍徙
雲遠闔閭邦草迷於越壘琴臺俯香徑不念前王侈
茲山自古今詎此能為疾老松獨堅卧根株互盤峙
頽然閱滄波愛此青未已我來三日留幽事付行李
領畧寧有窮登臨聊可紀

遊惠山

茲泉幾歲月復此慰渴心諒惟獨鍾秀源委來何深
在昔抱幽獨邂逅逢賞音布聲聽者難至味乃可尋
兀坐正亭午涼風度清陰於烏有深昭三歎復微吟

遊池州齊山

舊聞齊山勝抱病來登臨蒼然俯平湖秀出幾百尋
穹石天與巧脩篁近成林高攀極巉巖俯探窮窈深
愛此堅貞姿摩挲會予心意行西湖岸亦復多欽岑
頗恨人力勝刻畫時見侵誰知醜石面乃亦變孔壬
向如榛莽間屹立長森森天然抱幽獨妙質逢賞音
支筇到絕頂孤亭指送岑樊川有留詠兀坐一長吟

齊山石壁間見林擇之題字緬懷其人賦此

平生于林子一別今幾春寧知林壑中忽見題墨新
巉巖屹蒼石恍若對其人徘徊不忍去我懷誰爲陳
自子來江東相去亦已邇謂當復相逢跂首日望子
云何竟差池又此隔千里憑高久佇立飛鴻渺煙水

過馬當山

千秋馬當廟千尋獅子磯寒風起崖腹慘澹含陰威
孤帆駕巨浪瞬息洲渚非忠信僅可仗神理茲不違

題垂崖堂

平生垂崖公及此拜仿佛凜然風埃外餘子避英爽
憶公昔正色抗論指邪枉念當絕其根所畏日滋長
晴空轟雷霆下上走魑魅云何廊廟姿半世江海
徒令治郡聲迄今滿天壤論相危及公亦豈坐屈彊
嗟哉彼隘俗利欲扼其吭聞公卓絕風吐舌仍儻恍
豈知古之人事業係所養臨機隨手應如爬適苛瘡
李侯亦高世希蹤自疇曩萬里見丹青高堂闕虛敞
琅琅壁間記讀者興慕仰我來歲云莫霜林振餘響
歎息重徘徊題詩詔吾黨

張子因攜二子西歸求予詩為賦此以致鄉鄰
之義

窮冬沂荆江風急波濤怒張君一葉舟追逐任掀舞
時從古岸邊頗得班荆語君家岷山下須眉挾風雨
萬里垂纒歸問君自何苦兩兒纔過膝秀色隱眉宇
昨者試省中旁觀正如堵誦書聲琅琅亦復記訓誥
呼前與酬答進止良應矩我為三咨嗟每見必摩拊
祝君須愛惜事業貴有序美質在陶冶如器無苦窳
道遠方愁予速戒戒自古可使利欲風居然熏肺腑
良心人所同愛驚發端緒岷江本一勺東流貫吳楚
但當養其源日進自莫禦君歸閉門思予言或可取

城頭鷄一號浩蕩風脚回篙師起相呼牽帆上高桅
我亦推枕聽波浪聲轟雁胸間試一覘萬頃銀山開
附火且安坐念此亦快哉良久天平明已見金沙堆
泊舟古廟底喜色動輿臺我行正長夏及此歲律推
通籍恨亡補敢賦歸去來所至有何忙妙處姑徘徊
險阻元自平鷗鳥亦不猜萬事有定理渠謾費安排
明朝上湘水雪意正栽培行矣一杯酒好在故園梅

次韻陳寺丞建除體

建議了亡補歸來謝馳驅除荒城南立有田十畝餘
滿城車馬喧得此逃空虛平湖永晝靜泉聲雜埴芋
定自非偶然共成耳目娛執執者誰子來浣塵上榆
破顏為我笑共看雲卷舒危機起於中吳越生同車

成功妙克已八荒元一區收心試參此得失竟焉如

開緘得君詩嗜好如我迂閉門君未可出處本非踈

河南參議宋與道奉嗣歸崇安里中賦此以別

憶昔歲丙寅束書從吾翁驅車服嶺南弭節湟江東

湟江地僻左窮年少過從邂逅傾蓋友一笑蠻煙空

秋水泛孤艇春郊支短筇琴書適有餘酬唱寫不供

豈惟吾曹懽固足愉親容日月遽如許于今再星終

中間亦會面別去復轉蓬歸來洞庭野乃此相迎逢

回首歎風樹欲語悲填胸愛君堅忍姿凜凜霜後松

徐公真有常意味與曩同而我學不進長大如愚蠢

幸蒙故人惠苦語相磨礪梅霖漲宿潦行李何匆匆

自云嗣庭樂遠勝千戶封將兒更抱孫綵衣映護叢

搜竒萃圖刻攷古羅彝鐘知君頗挾此詎信詩能窮
同里有佳人抱獨環堵中未妨閒暇日更共討論功
它時有新得爲寄冥飛鴻

嚴慶曾射策南歸迂途相訪六月二十有一日
同遊城南書院論文鼓琴煮茶烹鮮徘徊湖上
薄莫乃歸明日作別書此爲贈

炎暑盛三伏駕言得清游城南才里所便有山林幽
崇蓮炫平堤修竹綠高丘方茲閔雨辰亦有清泉流
舉網鮮可食汲井瓜自浮絲桐發妙音更覺風颼颼
喜無舉業累獨有講學憂逮于間暇日微言要窮搜
譬彼治田者黽勉在勿休但勤穡業功勿作刈穫謀
雖云千里別豈無置書郵祝于時嗣音慰我日三秋

長沙歷冬無雪正月十日與客登卷雲亭望西
山始見一白莫夜復大作竹聲蕭然是日坐上
分韻得雲字

冬溫氣苦盍玄冥未書勳薄雪殿餘臘一夜收楚氛
驩欣想農圃潤澤到蒿芹我亦破曉出喚客來卷雲
蒼蒼西山樹棲此萬鶴群夾氣入病眼幽懷愜前聞
意到自舉酒語多祇論文薄莫勢未已飛花復繽紛
還將蕭瑟聲一一付竹君洗醖且更酌清絕未酣醺
次韻周畏知問訊城東梅塢七首

城東幽事如許一見定勝百聞苦雨斜風無奈斷橋
流水餘芬

誰知牛鐸黃鐘寡和陽春白雪如君句法飽參妙處

不關言說

春意新回庭樹角聲莫起江城更着水僊為伴真成
難弟難兄

可是看花不厭城南更欲城東多謝諸君着語莫教
孤負春風

堤上已垂新柳屋邊尚有殘梅雪盡春生湖水野航
竟日悠哉

人情自爾變遷此道不渝燥濕未妨靜處間觀要知
二五即十

短筇遍歷溪山款段時尋鄰里遇酒聊一中之得句
亦偶然耳

別離情所鐘十二章章四句送定叟弟之官嚴

陵

別離情所鐘會合意無數如何僅踰歲復賦弟行役
歲律亦已暮風烈雪漫漫去路阻且長念子衣裘單
嚴之水淪漪其山復蒼蒼于陵釣游地草木有餘光

我昔臨此州民容拙使君子行為多謝慰彼無毫分
駕別亦何事休戚理則同但使民受惠無論別駕功

魏魏孤高亭念我昔所喟子也時一登千載起立志
其在嚴陵嘗為宋
廣平立孤高亭

義路本如砥利徑劇羊腸何以書子紳世德不可忘
自昔謹交際人情易因循敬始以念終君子貴守身

鄰邦呂正字質疑時以書校官有表子苦語莫厭渠
貌茲遺體重相對子與子祝子以自愛念不忝厥初

雲滿南陽陌書藏善如宅行行重回首無使歸思隔
送子目力短朔風吹我裾心為獨如結子也當念子

平時兄弟間十三章章四句送定叟弟之官桂
林

平時兄弟間未省別離味別時已不堪別後何由慰
庭萱既荒蕪綵綬委塵土予嘆子咨嗟寒胸夜風雨
逮此閑暇日賴有先世書與子共紬繹舍去情何如
嗚呼忠獻公典則垂後裔遺言故在耳夕惕當自厲
可以嗣先烈匪論達與窮永惟正大體不遠日用中
復度如履水猶恐有不及毫釐儻不念放去如決捨
事業無欲速燕逸不可求速成適多言求逸翻百憂
南山有佳木柯葉正敷榮頤圖歲晚功大用寧小成

歲晚豈不念風雨漂搖之但當護本根紛紜爾何為
嶺海坐清靜府公金玉姿幙府省文書簡編可委蛇
升步有茂草會府宜多賢親仁古所貴更誦伐木篇
聞之元城公南州宜止酒止酒縱未能少飲還得不
子行日以遠我思日以長政或少間暇書來不可忘

芭蕉茶送伯承伯承賦詩三章次韻

與子藝蘭九畹勝渠賜璧一雙更碾春風白雪同看
明月清江

正色可參官焙妙香還近稽山草木叢中清絕天教
散在人間

春去雲藏嶽麓梅黃雨漲昭潭政爾倚欄無群一甌
喚起清談

賦遺經閣

生世豈云晚六籍初未止向來言外旨瞠視多茫茫
隱微會見獨如日照八荒始知傳心妙初豈隔毫芒
絕學繼顏孟淳風返虞唐讀書無妙解數墨仍尋行
况復志寵利荆榛塞康莊自云稽古功此病真膏肓
君家屹飛閣面對群山蒼匪為登臨娛牙籤富書藏
邀予為著語會意詎可忘一洗漢儒陋活法付諸郎

三友堂

寒胸政爾念蕭瑟况復故人疎近音憑欄為予賦三
友便覺冰霜千古心

初春和韋子明歲前雨詩二首

古今同活法妙處在阿堵浮雲不作崇白黑可坐數

窮冬掩關卧豈為作詩苦挑燈讀韋編至味可深咀
新春風雨中日日鳩鳴屋小園政可步奈此泥泥足
却坐問樽酒知足乃不奪一杯徑陶然敢羨車載麴

和德美韓吏部筭詩排律

籜龍春雨後得勢類乘軒驟長寧嫌速駢生詎厭煩
錯連非異族蒼老見玄孫色並蒲葵扇香清老瓦盆
靜依花影轉新帶蘚文昏外美看彪炳中虛驗晏溫
出欄俄競秀侵徑恍孤騫穎脫雖囊見森嚴武庫存
風回飄粉霧龜拆露坤垠生理知無息神功本不言
牙籌誰數箇玉斧莫傷根錯立環兵衛周羅儼翰藩
危岑遙寸露暗浪忽驚奔勁節回青眼齊觀壯小園
嚴凝難奪志霖霖合知思蛟鱉蟠深宅牛羊隱半垣

委蛇隨戶牖撐拄動荃蓀愛惜滋千畝高低辨兩番
藐真應莫稱著譜欲全論豈止同苞茂真成後嗣繁
兒童防戲折口腹謝空飡深夜共椽燭清朝列戟門
於菟真筆捷李于屢髯掀北海雖頻設南山可盡髡
深培資後賞獨倚莫消魂看取炎歊候清陰陰午噉

生辰謝邵廣文惠仁者壽賦

左弧念當辰藐此卧歲晚重雲不予蔭敢望滋九畹
南鄰有良朋敏實快飢寔進道方駸駸吐辭看衮衮
妙語極吹噓至理屬關鍵嗟予澹泊好學植自穠蒙
豈能益消埃感予意繾綣昭然隱微中當念仁豈遠
起知妙乾體實理踐坤簡大易乃在我亘古當一本
期君得真傳永以息邪道

南軒詩集卷第二

南軒先生詩集卷第三

古詩

五月十六日夜城南觀月分韻得月字

梅水清風來宇淨寶鑑揭頻年城南游未有今夜月
呼舟泛微瀾游魚亦出沒危榭倒影浮倚檻涼入骨
舉酒屬西山寒光動林樾諸君興未已南阜上突兀
目極大江流高情更超越

三月七日城南書院偶成

積雨欣始霽清和在茲時林葉既敷榮禽聲亦融怡
鳴泉來不窮湖風起淪漪西山卷餘雲逾覺秀色滋
層層叢綠間愛彼松栢姿青青初不改似與幽人期
坐久還起步堤邊足逶迤游魚傍我行野鶴向我飛

敢云昔賢志亦復詠而歸寄言山中友和我和平詩
四月二十日與客來城南積潦方盛湖光怡然
如平時泛舟終日分韻得水字

澤國盛梅雨漲潦彌兩溪常時侵溢患乃復到城市
納湖迫西園衝突固其理今年築隄防捷石細積累
艱辛迄崇成龜魚亦歡喜節宣有成程盈縮無壅底
昨宵水沒岸民居例遷徙走馬來問訊屹石堅城壘
江濤從渺茫湖光自清泚小舟足游泳新荷方蕤蕤
嘉我二三客共此風日美相期寂寞濱雅意淡如水
念言隄防功得失乃如彼而况檢身者詎可忘所止
明朝更哦詩斯言或當絕

展省龍塘有作

十年澗山陰驅馬幾往還山色如故人牧豎隨馬鞍
俛伏長松下清晨涕洟念昔初拱把茲馬影團樂
白雲歸何時日月如轉環矯首祝融峯依前倚高寒
於焉百感集欲去良獨難

田舍

竹葉帶曉露茅簷起炊煙蛩吟枯草根犬吠壞垣邊
田家亦何營生理固足憐風霜摧我稼稂莠長我所
卒歲復何念一飽未補前我思昔之人備豫理所先
積倉徧郊野甘雨盈公田臨風重搔首復古何由緣
舊聞長沙城東梅塢甚盛近歲亦買園其間念
欲一往未果也癸巳仲冬二十有八日始與客
遊過東屯渡十餘里間玉雪彌望平時所未見

也歸而為詩以紀之

半生客荆楚歷覽非一隅寧知城東路有此梅萬株
瘦馬路晚寒清風起菰蒲度溪上平坂頓覺景物殊
霏雪下晴晝香霧迷前驅近坡與遠嶺玉立同一區
老樹固瑰特小枝亦敷腴有如衆君子彙聚德不孤
精粗無可揀酥酪與醍醐千株未覺多此語信不誣
班荆或小憇沽酒時一啣勝賞諒難盡昭質知不渝
我有十畝園丘壑正盤紆念此縞袂侶歲晚足我娛
來遊自今始琴書與之俱回首桃李場冷淡莫邪揄
平父求筍炙既并以法授之乃用往歲張安國
詩韻為謝輒復和答
知君友竹君寧使食無肉更哦脯笋詩句妙騷可僕

南公鮭菜捨父齏嗜好自爾元非癡君但將從馭力
此大勝折腰鄉里兒

題淮陰祠

秦關昔先驅南鄭豈淹久夜中丞相歸平明印垂肘
古來豪傑人調度出窠臼登壇一軍驚六合已在手
從茲看廟清指揮如運帚時艱思竒才廟古酌樽酒
出門望長淮故國長稂莠風雲正慘澹人事極紛糾
拘孿僮無累吾欲獻九九

時為桂林之役斜川前一日刑部劉公置酒相
餞曾節夫預為既而劉公用陶靖節斜川詩韻
見貽亦復同賦以謝

通籍念無補先廬獲歸林所忻三載間暇日從公遊

城中十畝園頗復依清流渺渺送歸鴈翩翩下輕鷗
駕言欲南騫踟躕眷林立况且遠晤言公唱孰與酬
祖席近佳日呼客仍我儔相與千載思誰復念此不
新詩更紆餘用以寬離憂它年南阜約剝啄時相求
城南有立巖然名以南阜
它年當與公歲講是遊也

送劉樞密留守建康

整駕欲南騫乃復送公舟民公行所瞻願言勿淹留
向來秉樞事正色有忠謀坐覺國勢尊已驗權綱收
如何霖雨澤偏使及南州新春紫詔下聞者寬百憂
誰昇今重鎮百萬宿貔貅控江撫長淮聲勢接上流
吾皇志經略此地合綢繆不應萬全策歲月空悠悠
先當植本根次第施良籌未聞欲外攘而乃忽內修

幕府方宏開人才要旁搜可不念對菲惟當別薰蕕
留鑰豈掩久即歸侍前旒盡舒醫國手調瘵會有瘳
還憶遐荒守時能寄音不

淳熙乙未春予有桂林之役自湘潭往省先塋
以二月二日過碧泉與客煮茗泉上徘徊久之
下馬步深徑洗琰酌寒泉念不踐此境予今復三年
人事苦多變泉色故依然緬懷德人遊物物生春妍
當時疏闢功妙意太古前屐齒不可尋題榜尚覺鮮
書堂何寂寂草樹亦芊芊予役有王事未暇謀息肩
聊同二三子煮茗蒼崖邊預作他年約扶犁山下田

七月旦日晚登湘南樓

文書稍去眼日夕進微涼高樓一徙倚清風為我長

漁父蔭深樾歸人度浮梁仰看河漢明俯視群山蒼
平生會心處於此故難忘舊聞水東勝巖巖發天藏
豈無一日暇勇往聊徜徉民瘼未渠補况敢懷樂康
天邊雲物佳似復為雨祥秋成儻可期歲晚或自強
當從農家鼓一歷水雲鄉

望後一日與客自水鄉登湘南月色佳甚翼日
用鄉字韻簡游誠之

一雨五日餘南州三伏涼喚客近方沼笑譚引杯長
相將復登樓月色在屋梁念我懷百憂忽忽髮變蒼
及此少自舒觴詠未可忘孤光凜下照景妙無留藏
沙邊數白鷺欲下仍翔群動亦自得如我四體康
平生子遊子虛白生吉祥官舍並樓居登臨筋力強

未可效王粲居然思故鄉誠之所經每在樓旁自

定叟弟生朝遣詩為壽

我昔在嚴城惟子桂林思舊遊復更踐相望仍今茲
行止不可期會合何參差况乃近重九清杯憶同持
想子撫初度難忘蓼莪詩而我獨東向殷勤頌期願
祝子以愛身永佩過庭規勉子事遠業昔賢以為師
安車按節度中道行逶迤他年老兄弟鶴髮仍龐眉
歲晚話平生期以無媿辭及此良未易競競頌同之
八月望既要詳刑護漕游水東早飯碧虛徧觀
棲霞程曾龍隱諸巖酌松關放舟晚過水月洞
月色佳甚逼夜分乃歸賦此紀遊

灕江即湘江戢戢清見石其東列群峯秋色碧復碧

日出霧露收草徑上逼側憑欄措望眼已足慰疇昔
更窺巖穴勝創見為驚咋如何數里間竒觀相接近
寬同厦屋深劃若巨靈擘日月遞光景風雲變朝夕
石橋幾年成乳竇時一滴神龍舊隱處仰視多辟易
蛟迹凜猶存隱隱印霜脊下有澄湫深餘波漱蒼壁
往者已仙去來者此其宅薄晚扣松關風過聲索索
聊麾車騎退容我且散策却望訾家洲輕舫度前磧
回首煙樹林已復掛蟾魄宇曠淨餘滓群物被光澤
何所寄遐思空巖皎虛白清輝可一規水色相激射
天邊與川上亭亭如合璧居然廣寒遊不用假六翮
班坐依微瀾皓賞共佳客因之想千載詎有今古隔
簫鼓歸夜闌觀者繁城陌往往羅杯拌班班見敲核

諒因年歲豐人意少舒適視爾意少舒於予亦忻懌

次韓幾幕韻

韓杜有佳句炯炯如辰星自昔此邦勝中土亦飮聽
竒觀今愈多洞戶長不高秀色真可餐腴澤到畦丁
寒巖度輕舫瘦嶺著危亭固已小鴈蕩寧復談錦屏
自我來擁麾每思御風冷如何半載間足迹才一經
居然俯仰中便覺塵慮冥舊刻暗蒼蘚往事過奔霆
頗聞煙霞外往往接神靈向來羽衣士吐內誇竒齡
終焉亦歸盡難留鬢毛青塞鴈度霄漢沙鷗飛遠汀
大哉天壤間逍遙各隨形人生亦何有泛若水上萍
勿作分外念但勉明德馨乘時各努力日馭不我停
夢回故園好蘭菊羅中庭從知靖節醉遠勝次公醒

秘閣鄭公移節鄉部置酒餞別詩以侑之

嗜僻寡同好意合難語離傾蓋今幾年盍簪愜心期
况復王事回退食陪委蛇窺君肺腑中落落無藩籬
獨有見義勇褰裳欲從之憂時多苦語懷古更餘悲
坐使嶺海間冰雪映清規我拙倚君重孤懷良自知
正如乘霧行不覺蒙其滋人生豈無別念此尤依依
雖聞號蕃庶今亦困繭絲平時里社游耳目到隱微
想當入境初不待褰車帷畫綉匪所榮民瘼要深醫
看培邦本強詎止鄉國肥還歸服明主廟論資扶持
願堅歲寒節慰我別離思

清明後七日與客同為水東之游翌朝賦此

平生山水癖妙處只自知夙約常寡味邂逅愜心期

幅巾與藜杖安步隨所之竭來坐官府頗覺此頽違
城頭望群峯欲往類絆羈三春苦風雨晴日一伸眉
沙邊散車騎竹輿從嘔啞獨與三四客野服相追隨
亭高俯空曠洞古探環竒懸崖隱日月幽壑蟠蛟螭
澗水雜鳴佩松風發清吹興來即傾酒語到亦論詩
聊指簿書眼償此暇間時所歷固未厭所感多餘思
昔遊木葉下今茲綠陰肥江山雖可識歲月_{西如}可馳
素餐豈不念懷安敢云私歸來耿不寐欹枕聽晨鷄

題榕溪閣

寒溪澹容與老木枝相樛其誰合二美名此景物幽
太史昔南驚於焉曾少休想當下榻初清與耳目謀
品題得要領亦有翰墨留我來訪遺址密竹鳴鈞鞀

稍令舊觀復還與佳客遊樹影散香篆水光泛茶甌
市聲不到耳永日風颼颼所忻簿書隙有此足夷猶
平生立壑頭如瘡不可瘳雖知等喧寂終覺靜理優
更思濯滄浪榕根浮小舟

送陳擇之

君能千里來乃作觸熱去涼秋幸非違歸計無已遠
向來文字間講論有平素及茲共王事益得君佳處
幾微獨深窺圭角本不露豈期寂寞濱獲此友朋助
吾邦雖云僻山水足竒趣更期休沐晨相與窮杖屨
匆匆何少悵咄咄出別語君懷負丞思行矣當及成
我亦念歸歟霜天收粟芋後會未可期往事屢回顧
贈言復何有獨以此道故寥寥千載前達者同一路
所趨固絕塵所復無虛步臨深覺居高仰止有餘慕
要須學滄溟匯此百川注他年儻相憶訪我城南圃
無使歲月深永思編簡蠹

止酒

淵明通達士止酒乃成詩終焉未能忘寄意良在茲
勇哉典午君覆觴無再期念彼萬乘貴艱難有深思
况乃一介士而或志可移被齋揆前訓剛制聖所辭
銘心諒無數多言亦奚爲

斜川日雪觀所賦

行客念故里勞者思少休如何歲華新尚爾天南游
涉五遇佳日品題自名流聊復措病眼沙邊玩輕鷗
和風着冠巾春意動林立緬懷千載人孤高諒難傳

亦有一二士舉酒相勸酬未知吾故園草木如此不
政拙甘下考智短空自憂賜歸僅蒙幸舊盟良可求

靜江歸舟中讀書

南風駕小雨群山淨如沐吾歸及新涼所歷慰心目
軋軋柔櫓鳴卧見山起伏推枕意悠然還取我書讀
平生領解處於焉更三復老矣百念疎但欲斯境熟
向來五嶺遊日力半吏牘小心了官事終覺媿悻獨
世路自險夷人情費追逐翩翩孤飛翼息蔭望林麓

張子真楊政光吳德夫追路湘源賦此以別

驅車出巖關觸熱歸路長一雨群物蘇吾行亦清涼
灘水自南去湘流正洋洋張子真言二三友跋馬勤送將
蕭然短長亭每語夜未央張子真名家駒張子真方騰驥

楊郎嶺中彥而能斂鋒鎡延陵舊所熟氣味固難忘
向來幕府游三秀麗齋房居然出別語分袂楚粵鄉
人生會有別勿悲參與商獨有贈言意臨歧更平章
風俗易移人宦途劇羊腸千鈞有不守決去飛鳥翔
要當勉自持詩書作金湯他年相會處刮目看增光
為謝桂父老無澤留一方惟餘石間字時與洗苔蒼

登江陵郡城觀雪

黃雲澹四垂飛雪忽無際排空風力靜整整若有制
穿林初看花點瓦已成毳低連七澤波遠接關河勢
憑城領竒觀壯思起病滯四年領邊州氣候苦多盤
清秋日昏昏仲冬雷虺虺雲花有時零轉首即開霽
及茲洗瘴暉天公豈無意為邦抱憂面但願得豐歲

對之一欣然不飲已醉心春前尚餘臘三白或可冀
更約竹間梅共作歲寒計

正甫還長沙復斜用川日和陶韻為別

吾黨有佳士寡欲自日休眷言平生心從我萬里游
披雲度嶺嶠犯雪臨江流顧我無定蹤飄然若輕鷗
茲行雖云遠所忻近故立况得與君俱豈患寡朋俦
有酒君為飲有句君能酬如何舍我歸頗亦念此不
我老百念冷獨有謀道憂臨歧無他祝簡編細研求
子遠使君出守廣漢始獲傾蓋諸官賦詩贈別
某廣漢人也故末章及之

半生落南州分與岷峨踈竭來荆江上所忻近鄉閭
吾鄉多雋豪雜遝來舟車時從說情話頗覺中懷舒

中間識胡公粹美真璫璣心遠氣自靜語簡意有餘
向來有推轂入校中祕書名場萬夫立人並我則徐
拳拳抱忠愛百慮纔一摠白雲已在望思親惜君諸
乞州枌榆邊政以便版輿同舍挽不住清風挾歸裾
觀君進退間此豈為名譽春帆肯小駐論文良慰予
愛君秉質高且復富蓄儲任重則道遠願言勿踟蹰
吾州得賢牧父老想樂胥我亦有一廛徑思歸荷鋤
李仁甫用東坡寄王定國韻賦新羅參見貽亦

復繼作

三韓接蓬萊祥雲護山頂涵濡雨露春吞納日月景
美蔭背幽壑靈根發竒穎艱難航瀚海包裹走湖嶺
仙翁閱世故未肯遽生癭相期汗漫游歲晚共馳騁
卷三

顛持紫團珍往扣黃庭境想翁面敷腴玉色帶金井
芸芸納歸根湛此方寸靜清規照濁俗不惑類揚秉
懸知藥籠中此物配丹鼎從今談天台不用更澆茗
外弟信臣總幹西歸駐舟沙崖得半月之款於
其行口占道別

外家源流遠文物被諸孫嗟我數年來頗識佳弟昆
酥酪本同味蘭芷非殊根競爽有如此知當大其門
信也來過我氣貌清而溫方忻駐足地中有靜者存
皎然明月光豈復受濁渾墳篋迭和時此理試共論
廬山有勝處曰卧龍南康朱使君始築茅繪諸
葛武侯像於其中以書屬予賦詩寄題此篇
廬山僊靈宅佳處固非一頗聞卧龍勝幽深諒難匹

懸瀑瀉琤琤石碧兩峯律草木被光輝波瀾動回沒
今年朱使君下馬恍若失徘徊領妙趣指點築茅室
為愛卧龍名英姿慨超軼於焉儼繪事長風起蕭瑟
髣髴梁父吟尚想翁抱膝慘澹風雲會飄忽日月疾
獨存經世心十載詎可汨褰裳欲從之雲濤渺寒日
淳熙四年二月既望靜江守臣張某奉

詔勸農于郊乃作熙熙陽春之詩二十四章章
四句以示父老俾告于其鄉之人而歌之

熙熙陽春既發既舒翼翼南畝是長是圖嗟爾農夫
各敬乃事往利爾器誠爾婦子惟生在勤勤則及時
惟時之趨時不爾違祈祈甘雨膏我下土習習谷風
和澤乃普往即爾耕惟力之深往時爾苗勿倦其耘

于日于夕自遂自達爾心勿忘彼生熟過惟天之心
矜我下民民不違天使爾有成既祿既實既堅既好
爾獲既周先養爾老保爾家室撫爾幼穉既迄有年
復思嗣歲嗟爾父老其訓其誠俾務於本惟土物愛
不念其本則越其思所思既越害斯不罹嗟爾父老
其告其喻爾之有生君實覆汝尊君親上其篤勿忘
小心畏忌率于憲章嗟爾父老教之孝悌孰無父母
與其同氣及于爾心孰無愛敬即是而推焉往不順
嗟爾父老勿替諄諄其未率從驚屬其身告以禍患
其使知懼無俾蹉跌以陷罪罟惟國之法燁燁其垂
使爾知避豈欲爾施爾或自陷予疚予恫曷使予懷
寘于爾束於赫聖主教德流澤布宣勿墮時予之責
自古有年

咨爾父老助予念茲豈予之助報國是宜粵以今日
勸相于郊乃作此詩以懋爾勞咨爾父老尚演厥義
其諷其歌于鄉于里俾其一心服我訓言擊鼓坎坎
自古有年

南軒先生詩集卷第三

南軒先生詩集卷第四

律詩

和石通判酌白泉鶴

談天終日口濶翻來乞清甘
醒舌根滿座松聲間金石
微瀾鶴影漾瑤琨淡中知味誰
三噉妙處相期豈一樽
有本自應來不竭
濫觴端可驗龍門

憩清風峽

扶踈古木蠹危梯開始知經幾攝
提還有石橋容容坐仰看蘭石與雲
齊風生陰壑方鳴籟日烈塵寰正
望霓從此上山君努力瘦藤今日得
同攜

讀李邕碑

荒榛日莫倚筇時難息危亭北海碑
後卑但知尊字

畫當年不得戍邊垂豈關錦貝能成禍祇恐干將不自竒杜老惜才千古意如今誰詠六公辭

登法華臺

山間景物轉流年臺上風光處處傳放目便應雲夢小憑欄平挹祝融巔忽尋故國占天際誰看孤舟繫岸邊百感還將山下去肯同槁木墮深禪

謝揚文昭主簿寄詩揚之父紹興間倅建康不屈於兀木而死

迺翁譽賊氣如虹千載衣冠起悞庸雙廟已應同卞壺佳兒今喜見甄逢傳郵贈我凌雲句斷簡知君學古曾忠孝可全須力勉策勳寧復羨侯封金陵政與祚將軍相望

喜廣仲伯逢來會

二阮向來俱莫逆支筇爲我到山巔濁醪共飲聊復尔勝集于今亦偶然人立千峯秋色裏月生滄海暮雲邊高談此地曾知幾一笑歸來對榻眠

和黃仲秉喜雨

雨後清泉逸舍流懸知耘耜遍南州占相歲事端無恙勞苦農人亦少休好句收功經百鍊彌旬不見便三秋閑來只願長豐稔江海白鷗盟共來

遊道場山次沈國錄韻

玻璃盆外起千鬟路入空濛紫翠間心遠最便天宇迥眼明偏見野雲間寒泉宰木留千載清磬疎鐘度兩山我亦湘城三徑在湖邊歸去洗塵顏

早秋湖亭

澤國今年秋氣早湖亭清晚獨裴徊翩翩荷蓋隨風
舞蕭瑟松聲帶雨來靜處豈云身計得吟邊但覺歲
華催悠悠遠思憑誰寫多病新來罷酒杯

賦周畏知寓齋

知君隨寓即能安久矣家山詠考盤幕府漫游從鬢
禿竹牖寄傲有書觀此身詎可忘三省世路何妨閱
萬俯仰周旋皆實理未應祇向寓中看

送甘可大

子陵溪水千年綠猶憶登臨日暮時子去定能尋勝
槩書來當復慰相思簡編有味寧論晚得失從渠莫
自疑也學迂踈教似舅不應空賦渭陽詩

送胡伯逢之官金陵

相望數舍已云踈遠別何因執子祛漫仕想應同捧
檄舊聞當不廢觀書月明淮水空陳迹山繞新亭有
故墟暇日更須頻訪古因來為我道如何

寄題建安梅公山堂

梅公山色近庭除勝日供公几杖餘千古謾傳接迹
地當年誰憶愛書君丹心炯炯元無間白髮星星不
用鉏待得斯民俱奠枕歸來端亦愛吾廬

重九陪詳刑護漕東西樓之集

獵獵西風滿角巾登臨秋思與雲平山圍四野高低
碧江遶東城今古清莫恨寒花未堪摘且忻樽酒得
同傾政須客裏頻回首細話家山此日情

次趙漕贈王昭州韻

煌煌金節按江城驛路梅花正小春聞說爭迎來滿
道定將何術慰斯民憩棠異日誇南國懷橘歸時拜
壽親流澤會看均一路要令治象復熙淳

九日登千山觀

清晨領客上巉巖野路衣襟濕翠嵐九日開樽仍絕
景西風歆帽且高談地形盤薄一會都山色周遭萬
玉簪却指飛鴻煙漠漠故園茱菊老江潭

和止父遊榕溪韻

隔岸高低露碧山眼明便作故園看直從榕影度輕
舫更傍溪光撫曲欄鴻鴈來希空帳望梅花開早未
初寒喜君萬里同情話明月清風足佐觀

仲冬朔日登湘南樓復用止父前韻

歷遍江南處處山嶠南還得倚樓看化工此地無餘
巧爽氣窮冬更逼欄官事隨時寧解了書盟平日未
應寒相逢自有論文樂只把空杯未礙歡

六月二十六日秀清亭初成與客同集

亭成勝日好風光佳客攜將共一觴蒼壁挿空千古
色高松蔭堤三伏涼網魚縷膾寒冰玉剝蓮煮鼎甘
露漿便覺故園渾在眼祇應灘水侶瀟湘

送韓宜州

頃年未識宜州面已信諸賢品藻公幕下從容逢益
友胸中翫麟本家風一麾且與寬郡瘵華髮應無慕
勇功從右安邊須自治人情初不問華戎

鹿鳴宴

從昔山川夸八桂只今文物盛南州秋風萬里攜書
劍春日端門拜冕旒聖世取才先實用儒生報國豈
身謀且看廷策三千字爲寫平時畎畝憂

送宇文正甫

重來能復幾旬餘臨水登山又送渠夜雨已知農事
好春寒未放小桃舒眼前佳處應難盡別後書來詎
可踈我亦相將歸舊隱杖藜時復訪樓居

雨後同周允升登雪觀

一雨端能減百憂肩輿徑上最高樓山容淨洗無窮
碧江水新添自在流已覺春花片老隨不應身似賈
胡留煙簑風笠南山下正好歸歎看麥秋

題邢使君釣隱

使君卜築占芳洲短檻疎籬處處幽風月隨時供燕
几笑談終日在中流翩翩影落來賓鴈漠漠寒生欲
下鷗城市山林俱寓目問君底處足消憂

某辱歸父文惠貺新詩謹次韻末章爲別

淮海相從幾歲年南州鴈不到西川重逢影落煙沙
外却喜身如金石堅莫歎武城資莞爾且看平楚正
蒼然剽繁自是君餘事毫髮難逃止水淵

和查仲文雪中即席所賦

方帽衝泥有客來九衢俗眼莫驚猜一樽相對十年
外兩脚新從萬里回壯志未隨衰鬢改孤懷良爲故
人開雪中細放梅花發不用匆匆羯鼓催

和宇文正甫探梅

天與孤清迥莫隣祇應空谷伴幽人千林掃迹愁無
那一點橫梢眼便親顧影莫驚身易老哦詩尚覺句
能新幾多生意冰霜裏說與桃夭自在春

襄州護漕使者張侯寄示所作快日亭記辭多
慷慨予讀而壯之且想斯亭觀覽之勝為賦此
聞說君家快日亭湓江直上起千尋昔人事業規摹
在故國山河草木深世態從渠翻覆手壯圖還我短
長吟會須一展平戎策始稱平生灑落襟

送舜臣撫幹表兄赴部

疇昔相看意便傾重逢便覺眼增明半生漫仕壯心
在五月長江去掉輕龜犢久藏千乘寶鵬風方快九

霄程公朝兼用人門選外氏傳家舊有聲

壽定叟弟

為邦和氣滿鄉間袖手還家樂有餘案上簡編元好
在閑中日月更寬舒功名且要身長健尋尺何求計
不踈好泛菊英斟壽酒扁舟吾欲賦歸歟

重九日與賓佐登龍山

曉風獵獵笛橫秋澤國名山九日遊萬里煙雲歸老
眼十年形勢接中州丘原到處堪懷古萸菊隨時豈
解愁此日此心誰共領朝宗江漢自東流

贈樂仲恕

老子曾從先覺遊後來文采繼風流胸中有意窮千
古筆下成章映九秋塵世利名無著莫聖門事業要
卷四

精求詠歸消息今猶在魚躍鳶飛會得不

小園茶蘼盛開伯承以詩見督置酒于此為增不敏之歎

留連紅紫計無從晚惜芬芳萬卉空枕上幾回春夢
斷風前政可碧紗籠春隨夜雨但三歎韻入香醪尚
一中長有花開消息在不應鳴鼓便相攻

再和

閉門謝客少過從獨倚修篁傲碧空忽喜千條發瓊
蕊紛如萬鶴出樊籠與君前日徘徊久得句懸知慘
淡中曾吹本無愁可著何為苦要酒兵攻
夜讀韋編起欲從門前流水落花空春同心事應長
在月當燈光不用籠弔古誰能嗟澤畔高吟且欲効

隆中君詩似玉無瑕玷豈有它山石可攻

市朝車馬列雲從君自危樓出半空但覺乾坤增老
眼不妨日月轉空籠花開花落關何事江北江南只
此中互出新詩珠未艾長城尚許短兵攻

和楊教授

道在無今昔才難有屈伸青編知子意白眼付時人
鏡裏顏容舊曾中事業新絕難知味鮮渠自說甘辛
客少從蒿長居深懶戶開孤城歲云莫瘦馬子能來
長策憐葵向新詩更兩催相看前日事此首忍重回

送少隱兄赴興元幕

出手寧嫌晚論心本不欺五年江左客萬里故園思
肯枉洞庭棹來尋棠棣詩固知名義重豈但慰朝飢

邊塞連關隴貌貅罷戰征幕中須預計堂上乃奇兵
漢水追前策秦原憶舊耕書生亦多事慷慨試經行

廉州何使君挽詩

橘井登賢籍槐宮並後游姓名題雁塔文字上瀛洲
公嘗進卷青簡窮千載朱轡但一州有懷終未試眼
看蒼山立

憶昔湟江上相逢意便傾習中元浩蕩筆下更縱橫
士伏徐公德人言景倩清定應鄉里敬粉社祭先生

和張晉彥遊嶽麓

齋舫凌煙浦雲屏入畫圖日烘花炫晝風定水明湖
布穀催春種提壺勸客沽湘中無限景賦詠繼三都

送臨武雷令

詔舉循良吏時資撫字功人情平易看治道古今同
綠野新耕盛潢池舊習空便應君課最名姓御屏中
去路連崇嶺扁舟上漲濤不違將母願敢歎獨賢勞
境靜歸鳥鴈庭空長艾蒿不妨頻拄頰千里寄風騷

喜雨呈安國

望歲民心切爲霖帝力均崇朝變炎暑舉目盡清新
坎坎連村鼓熙熙萬室春北窓涼枕筆安穩到閒人
十二月十六日夜枕上聞雷已而大雪

春信梅邊動雷聲枕上驚忽看窓紙白頓覺竹聲清
江海空餘夢壺觴起自傾朝來倚樓處玉樹滿湘城
過湘潭劉信叔舊居有感

北渚留行客東陵憶舊侯池蓮半枯折風葉正颼颼

事業留千載英雄去一丘平生許國志歲晚詎悠悠

題唐興寺湘江亭

寺發蒼崖聳江回遠岸明風霜推翰墨有詩唐刻中火

後沈于潭中于歲月老絲緡詩古有兀坐如茶味閑竹忘去

程長哦伊水句回首若為情似伊都官嘗題湘人詩云非故人相水

彪德美來會于泉有詩因次韻

君卧衡山北我行湘水濱相逢還莫逆清絕兩無塵

勝集追前日輕陰近小春濯纓聊復爾舉首謝簪紳

上封有懷元晦

憶共朱夫子登臨冰雪中劇談無俗調得句有新功

別去鴈橫浦重來月滿空遙憐今夕意清夢儻相同

題福巖

擲鉢峯前寺肩輿幾度夾樓臺還舊觀杉檜撫新栽

湘水堂堂去秋山面面開裴徊千古思風壑有餘哀

題南臺

相望幾蘭若勝處是南臺閣迥規摹穩門空晝夜開

回風時浩蕩高嶺更崔嵬謾說石頭滑支筇得往來

寺多風之側有石頭庵

由西嶺行後洞山路

西嶺更西路雲嵐最深水流千澗底樹合四時陰

幽絕無僧住閑來有客吟山行三十里鐘磬忽傳音

過高臺寺

著屋懸崖畔開窓疊嶂秋半歌雲榭冷不斷石泉流

茗椀味能永竹風聲更幽平生版庵老得句似湯休

寺之前有雲莊榭舊車轍亭詩所去也長公以其長信有詩名記刻不存必惡其害已者所去也

宿方廣寺

俗塵元迥隔景物自天成山近四圍碧泉鳴永夜清月華侵戶冷秋氣與雲橫曉起尋歸路題詩寄此情

和黃漕雪中將至長沙

吾道元如砥人間謾畏途未容舟泝峽且泛雪平湖子孝寧投杼天回看脫弧不應從我懶欲老豆麻區

人日遊城東晚飯陳仲思茅亭分韻得香字

絕憐梅事晚與客到林塘瓦枕村醪釀杯羹野菜香舊遊看壁字新歲尚他鄉一笑俱真率悠然意未央

二月十日野步城南晚與吳伯承諸友飲裴臺

分韻得江字

春日煙沙岸禪房風竹牖有時傾綠酒隨處見清江世路紛多轍吾生老此邦千林看不盡白鳥去雙雙

與弟姪飲梅花下分韻得香字

日夕色愈正春和天與香提攜一樽酒問訊滿園芳嗣歲詩多思懷人心甚長更須多秉燭玉立勝紅粧

字

支筇穿百級把酒問春光喬木依然在幽蘭祇自芳未當湘水滿更覺橘洲長暝色猶回首天涯話故鄉

王長沙約飲縣圃梅花下分韻得梅字

平生佳絕處心事付江梅縣圃經年見芳樽薄暮開

朗
即吟空激烈燒燭且裴徊未遂徵書去窮冬尚一來
湯總管邢監廟約遊城東酒間求詩為賦此
春事已如許客愁空自多梅花成莫逆樽酒付亡何
楚楚邢郎子耿耿老伏波定應容我醉耳熱更高歌

謝胡椽惠詩

一見知心事旋觀慰月評慈祥漢循吏儒雅魯諸生
莫作周南歎終期冀北程新詩連夜讀梅影伴孤清
除夜立春

積雪陰難解新梅凍未開誰知殘臘底已報早春來
一氣元無息群兒浪自猜短檠非守歲百感政交懷

送趙節卿

昭代才難歎宗盟世有人千鈞定晚試一角信逢真

政擬尋梅共還經折柳新青雲看穩上回首楚江春

二月二十五日登裴臺上口占

朝來風雨好抱病亦登臨故國江山在荒城花柳深
憂時空百慮望遠只微吟春事如櫻筍幽盟可重尋
上巳日晚登裴臺自仲春凡三登

前日看花地重來對落暉雨餘山着色沙沒水初肥
寒食家家出綫紅樹樹飛還同二三子及此詠而歸

長沙郡丞丁君挽詞

廉吏今尤重朝家詔舉頻方看千里駕忽盡百年身
職業憂勞甚遊從笑語真空令行路歎沒後見清貧
和黃仲秉喜雨

雨涼胸戶好佳木正陰陰畎畝憂時念乾坤濟物心

引泉聊自照移竹更親臨尚想皇華使風前擁鼻吟

寄侯彥周

塞鴈仍南去慙慙問未陽催科應獨拙理髮詎能長
邑古絃歌地年豐魚稻香新婆娑還得不三徑未云荒

過長橋

西風吹短髮復此渡長橋木落波空濶亭孤影動搖
裴徊念今昔領略到漁樵儻有山中隱憑誰為一招

多景樓

疇昔南徐地登臨北固樓平原迷故國滄海接江流
木落煙莎晚城孤鼓角秋寄言鷗鷺侶吾已具扁舟

金山

萬頃洪濤裏巍然閱古今雲煙三島接花木四時深

亂石維舟住西風倚檻吟朝宗知不斷淒切此時心

重陽前一日

九日明朝是清樽強自開蕭蕭疎雨暗冥冥大江來
野菊開無數沙鷗靜不猜何須騎臺飲此興亦悠哉

十五日過小孤山

沃野迥千里巋然突孤標崖分勢亦裂江靜影頻搖
栖鶴巢何險盤柯凍不凋吾行足觀覽未覺客程遙

新亭

風景自今古斯亭今是非絕憐江水去還有故山圍
得失同千慮成虧共一機所思惟謝傳不但勝淮淝

庚申過青草湖

已越重湖險張帆須順流亂雲藏野寺橫網開漁舟

物色湖南好風霜歲晚謀未知
荒歉後得似向來不

丙子二月廿六日與秋浦周息菴同住高壽山宿雲巖
下校此三卷家居紛雜閒置已數月矣可歎哉園化

南軒先生詩集卷第四

南軒先生詩集卷第五

律詩

喜聞定叟弟歸

吾弟三年別歸舟半月程
瘦肥應似舊歡喜定如兄
秋日聯鴻影涼窓聽雨聲
人間團聚樂身外摠云輕
聞定叟弟已近適迫祀事
未能出先遣姪輩往
迎書此問訊

漸喜書題近懸知歸意忙
才聞下湘水早已過衡陽
雨洗秋山淨涼生桂樹香
慙慙二三子策馬為迎將
醕叟崇道之喪未得往哭
聞窀穸有期輒賦二章以相挽者

慶席親賢胃心知道義尊如何着閒處終不近修門

三載成長別微言未細論人琴俱寂寞風雨閉丘園
晚歲渾無事端居只自如冰霜澆塊磊日月老籬籬
山寺留題墨晴窓罷卷書從今行嶽路忍復過公廬

故太子詹事王公挽詩五首

大節元無玷中心本不欺排姦力扛鼎憂國鬢成絲
方喜三旌召俄興一鑑悲西風吹淚眼夫豈哭吾私
睿主龍飛日如公舊學臣忠言關國計清節映廷紳
歲月身多外江湖澤在民當年遺直歎千古更如新

詩送陳仲思參佐廣右幕府

舊說桂林好君今幕府遊江山資暇日梅雪類吾州
煮海何多說安邊更預謀政應勤婉畫不用賦離憂
呂善化秩滿而歸兩詩贈行

令尹三年政湘民去昔思艱難揀苗歎憂瘁見云為
薦牘今交上夷途去不疑正須頻顧省御者可無辭
伯氏相從舊歸來意若何從渠笑方拙還我自吟哦
聖有詩書在人多歲月過德門好兄弟夜雨細研磨

默姪之官襄陽兩詩以送之

默也相從久吾心念汝多又為江漢別空覺歲年過
氣習須消靡工夫在講磨惟應介如石人事易蹉跎
潦雨彌旬月予方念鞠窮子行何草草別語又怱怱
漢沔英靈在江山今昔同未須登峴首先合拜隆中

送零陵賈使君二首

籍甚零陵郡風流記昔賢宅存元水部人識范忠宣
山近地宜竹溪清岸有泉官閒時訪古餘韻故依然

孝友傳家法如君好弟兄祇應推此意便足慰民情
間歲仍艱食新書督勸耕想今湘水畔惟日望雙旌

寄曾節夫

曾子別經月相思如幾秋不應行役歎却為賈胡留
雨後湖光滿梅邊春意浮須君細商略晴日共茶甌

送周畏知五首

秋冬仍苦雨旬浹喜霜晴木末樓臺見江頭橘柚明
登臨方適意離別已曾情後夜相思地寒梅影正橫
半世功名誤蒼顏幕府遊文辭追楚些得失付陽秋
薦牘方交上衡門豈重留青雲看穩去快處一回眸

題伏龍寺壁

少日憶曾到歸途得小留環山寺古蕭瑟柿林秋

道路情無那琴書可細求從來士窮達分付水悠悠

送外弟宇文挺臣二首

合族情尤重論交意復深還為萬里別未盡幾年心
佳處應相憶書來儘嗣音及時須努力莫待鬢華侵
漠漠灘江上匆匆送客情平原宵雨濕絕壁野雲橫
世路多新轍韋編有舊盟中流屹砥柱過浪豈能傾

寄題周功父溪園五詠

聞說亭花好居然似蜀鄉色深姿不俗香淡意能長
高燭留深夜輕陰護晚芳何心較桃李只擬答春光

右嫣然亭

未識主人面先為溪上吟澄潭依近岸絕壁聳遙林
領略襟期遠登臨歲月深想當軒冕外三歎有餘音

石溪亭

溪園平廣處雅稱雪中遊
疎密看千變高低共一丘
寒知松節勁靜覺竹聲幽
還有故人否當能著小舟

右雪亭

曾節夫罷官歸盱江以小詩寄別

俗隘寧為異言深敢自欺
如何幕中辯翻作暗投疑
行李秋將半家園菊正滋
反躬端得味當復有餘師

寄趙漕

想得昭潭上兒童夾道迎
皇華今日使竹馬舊時情
梅蕊冬前折山光雨後清
使君桃李客當為駐車旌

送李新州

清絕湘南地鄉閭見老成
滂棠方有望折柳却關情

側聽輿人誦還新月旦評
相望幸鄰壤猶得借餘明

游誠之來廣西相從幾一年
今當赴官九江極與之惜別
兩詩餞行

游于名家後天資更敏強
壯懷知自許遠業定難量
幕府文書簡章編趣味長
居然成闊別音寄莫相忘
士學端成已工夫要自程
聖門窺廣大中德養和平
美玉資勤琢良才詎小成
心期須後會拭目更增明

寄宇文邛州

寄語臨邛守相望萬里情
有來詩句好足驗教條清
好古從時訕為邦已政成
無尋子虛賦忠厚詔諸生
次陳擇之游湖韻

落日游魚上青林白鳥過
稻香來隔岸巖影占清波

招隱何年賦尋幽此地多晚涼容縱棹聽我采菱歌

送但能之守潯州

循吏古猶少嶺民今未蘇丁寧煩詔旨推擇得吾徒
根本誰深念詩書計不迂惟應敦此意豈但應時須

送祖七姪西歸二首

萬里逢猶子中年憶故鄉只知情話好豈覺去途長
巫峽波濤壯秦山檜栢蒼何能從汝往佇立看歸艎
故國非喬木名家重典刑飄零念吾黨寂寞撫遺經
救水知何病芝蘭要滿庭汝歸應記取為我話丁寧

中春過陽亭

亭古危臨岸林幽巧近城煙容隨雨住花片著溪清
春事已如許客懷誰與傾亭前兩好樹滿意欲敷榮

堯廟

明祀崇千載荒山拱萬靈挿天巉絕壁飛瀑下空庭
繪事存淳古真風寄杳冥蘋蘩何以為帝德日惟馨
戶曹廬陵胡君引年求謝事予視其精力未衰
留之踰半載乃今告去不復可挽為詩送別澹
庵君之叔父也

出守嗟何晚懷歸已倦游細看渾嬰鏢可是畏伊優
幕下傾三語山中賦四愁平生大小阮來往足風流
若海運使移節廣東賦詩贈別予每過若海諸
郎誦書于旁琅琅可喜為之重賦

行止非人料驅馳未席溫傳聞選膚使端為慰黎元
瘡嶺農耕少山城海氣昏唯勤凋瘵慮此外更何言

玉雪明人眼森然膝下即源流知來來誦讀聽琅琅
有子君何慕他年我莫量願崇詩禮訓勿近利名場

送李崧老歸閩二首

歷數勲賢後如今到眼希曾中蘊金石筆下出珠幾
傾蓋嗟何晚臨流又送歸他年僅相憶尋我釣漁磯
公事妨開卷遐征念索居能來數月款端為夏百紆
師及洛川上人才元祐初歸來有新益不惜幾行書

和定叟送行韻

舊別情何限重逢意豁然相看疑似夢款語不成眠
但欲燈牕共其如事業牽固應回首處祇在集雲前

題益陽清脩寺

峯勢香爐直溪流峽水潺湲居然一蘭若喚作小廬山

老木千崖表孤亭萬竹間明朝問征路回首白雲間

故觀文建安劉公挽詩四首

憶昨登廊廟忠言達帝聰所思惟盡瘁敢復計成功
半世江湖上千曼寤寐中汗青誰秉筆請攷衆言公
國恥臣當死公家三世心忍看垂絕筆誰續斷絃音
精爽今如在衣冠恨更深却嗟餘與志處世漫侵尋
平日多奇節中間似富公天從廬墓請人說抹荒功
辛苦培邦本雍容過亂鋒文傳遺奏切更過子囊忠
曾是南荆地他年竹馬迎旌旂嚴騎士孤矢盛兵民
細攷規摹舊還知節制明思公如峴首同我淚縱橫

追餞馬憲

膚使行原隰清風伴往還詩情渾漫興雪意正相關

許國心何壯憂民鬢易斑留連三日語解后十年間
某以四十字送詳刑使君

拙守荆江上無人共往還能來慰牢落話舊幾間關
冬聲龍蛇蟄風林虎豹斑相期滋養力直到古人間

除夕登仲宣樓

懷上昔人志傷時此日心長江霜潦淨故國莫煙深
訪古多遺恨憑欄更獨吟細看前浦樹生意已堪尋
隔牆聞正父鄉飲甚樂偶畏風不預用前韻敬

簡

元日忻晴色新年祇舊心故人同客裏鄉話自情深
儘說成都酒休為楚澤吟相逢須痛飲歲月易侵尋
劉勝因自襄陽過予渚宮於其歸小詩贈別

翫麟寧多忤棲遲久倦將折股諳世味袖手惜良籌
日月隆中晚風煙峴首愁登臨應慷慨還解寄詩不
光弼姪得邑西歸賦詩勉之併示光義一首

共惟二百載詩禮一門中冷落吾憂甚扶持爾輩同
傳心無異轍隨用不言功外慕如何極惟應念祖風
得邑寧論小居官最近民中誠儻無倦同體念相親
暇日書還讀清源政自新吾兄有遺訓爾輩足持循

送曾來父

文舊間何闊能來決日留還尋佳橘頌惜別仲宣樓
探古書盈屋憂時雪滿頭絕思黃閣老招隱意綢繆
樞密劉公嘗欲
以遺逸舉來父

張幹周君桂林相從之舊已亥莫春出嶺迂道

相過臨別求予言始賦此

江北逢新雨湘南憶舊遊能來慰岑寂恨不小逢留

日月徒催老功名浪自愁惟應編簡樂在已可深求

中秋與僚佐登江陵郡城觀月

涼意今年早蟾光七澤多憑欄共懷古擁袂獨高歌

風物關山遠功名歲月過一樽聊復爾於此興如何

遊章華臺

楚國舊雄勝荒臺今是非平川留宿潦蕭寺掩斜暉

木落秋聲急天高鴈影微淒涼無處問騎馬踏堤歸

和元晦擇之有詩見懷

作別又如許何當置我旁卷舒書在手展轉月侵床

合志師千載相思謾一方臨風三歎息此意渺難量

送范伯崇

堂堂延閣老遺範見斯人孝友傳家舊詩書用力新

人心危易失聖學妙難親願勉思弘毅求仁可得仁

定叟弟生辰

清秋記弧矢舉酒頌年長別去今踰歲情親祇對床

韋編閑玩味幕府小徜徉刮目它時看光暉映棗棠

南軒木犀十月

不隨秋月閔天香冰雪叢中見縷黃却得清寒惜花

地少須梅影慰孤芳

和安國送茶

官焙蒼雲小卧龍使君分餉自題封打門驚起曲肱

夢公案從今又一重

賦鄭子禮壽之堂

莫向堂中覓壽之主人心地本平夷子孫保此傳家
瑞世享長年自不疑

喜雨呈安國

懸知雨意未渠已一夜簷聲到枕間曉上高樓望雲
氣蟄龍千丈起西山
早秋出隴蠶已絲眼中一雨正重重農家辛苦渠能
識請誦周公七月詩
向來惻怛哀矜意便覺雨滿乾坤間城東大士寧關
汝民倚邦侯如泰山
涼生椽筆試烏絲妙語便作星斗垂我亦小胸無一
事細傾新酒和公詩

自烏石渡湘思去歲與朱元晦林擇之偕行講

論之樂賦此

朝來一舸渡湘水山色橫秋真可憐忽憶去年聯騎
客沙邊搔首意茫然

道間晚稻甚盛喜而賦此

我行自喜有勝事夾道黃雲禾黍秋聞道今年罷和
糴老農卒歲僅寬憂

墳庵枕上追愴賦此

秋氣惻惻侵戶牖霜林風過猶餘音八年淚濕龍塘
土輾轉不眠中夜心

晚晴

昨日陰雲滿太空眼前不見祝融峯晚來風卷都無

迹突兀還為紫翠重

渡興樂江望祝融

日上寧容曉霧遮須臾碧玉貫明霞人謀天意適相

值寄語韓公不用誇

仲秉再用前韻為梅解嘲復和之

幾年身在水雲間愈見花邊下語難猶有故人相慰

藉西山載酒未盟寒

東君豈是結新知誰共群芳較疾遲不但開花高一

世更看嘉實滿青枝

此二詩字本在卷末

有懷安國

若人別去已經秋却見山間翰墨留獨對西風措望

眼試從雲際辨荊州

自上封下福巖道旁謗李郭侯書堂山路榛合

不可往矣

石壁巉巖路已荒人言相國舊書堂臨機自古多遺

恨妙策當年取范陽

下山有作

五日山行復下山愛山不肯住山間此心無常者身長

健明歲秋高却往還

廬陵李伯卿以復名其齋求予詩久未暇也今

日雪霽登樓偶得此遂書以贈顧惟聖門精微

網領豈淺陋所能發祇增三歎

李侯索我復齋詩此理難明信者稀要識聖賢端的

意須於動處見天機

卷五

七

萬化根原天地心，幾人於此費追尋。
端倪不遠君看取，妙用何曾間古今。

和張荊州所寄

自古荊州通陸海，祇今學士過青錢。
笑譚坐了安邊策，取次成詩盡可編。

詩來千里作春妍，尚記城南五畝園。
豈但苔痕留屐齒，故應石上有窪樽。

有時散策過西隣，共向東風憶故人。
芙蓉亭下池水滿，敬簡堂前楊柳春。

鍾陵未命千里駕，洞庭亦繫沙邊舟。
閉門讀書卧歲晚，世事敢云風馬牛。

共叔安國皆欲相招未能往也

明時未可廢譚兵，壯歲寧容便乞身。
何人為向沙頭去，憑仗慇懃一問津。

正月強半梅猶未開黃仲秉作詩嘲之次韻

孤芳未分落人間，故向東風小作難。
眼底莫容蜂蝶亂，好留明月趁春寒。

水邊疎影幾人知，尚喜詩翁到未遲。
怪得尋花心眼別，去年曾賦上林枝。

謝邢少連送葡萄豆蔻栽

君家小圃占春光，眼看龍鬚百尺長。
移向樓邊並寒井，明年重實更陰涼。

留取園中數畝餘，擬栽靈藥謝紛華。
兒童今日知翁喜，移得君家豆蔻栽。

晚過吳伯承留飲

卷五

推門野路竹毵毵落日天寒相對談可是主人風韻
別自斟白酒擘黃柑

南軒先生詩集卷第五

南軒先生詩集卷第六

律詩

某敬采民言成六韻為安撫閣老尚書壽伏幸
過目

里胥不踏桑麻路桴鼓長閑花柳村都在邦君和氣
裏賣牛買犢長兒孫

前時勸君出東郊父老歡呼望羽旄甘雨便隨車馬
到眼看霑足徧蓬蒿

清坐鈴齋公事稀春來風日更逢逢
湖中水鏡渠自避却笑鋤筒徒爾為

蜀江東下接襄江總是當年蔽芾棠此地回旋莫嫌
窄且教春色滿三湘

公今卧護足從容豈有扁舟欲便東少待政成歸帝
所此邦還在化鈞中
湘民清曉壽邦君下客慚無句語新敢述老農歌誦
意一觴持上太夫人

伯承

夜得嶽後庵僧家園新茶甚不多輒分數椀奉
小園茶樹數十許走寄萌芽初得嘗雖無山頂煙嵐
潤亦有靈泉一派香

四月四日飲吳仲立家梅桐花下吳伯承以事
不至寄詩來次韻

翠蓋亭邊春色歸還來把酒及開時坐無車公勸意
少猶得風前讀好書詩

題湘潭丞黃子辯哦松軒

黃子官居多暇日吟哦薄暮一胸中雖無灑灑循除
水但覺颼颼滿屋風

筠州曾使君寄貺中州新芽賦此以謝

黃蘗山前水遠沙春風吹石長靈芽午牕落磴飛瓊
屑烏梳翻湯湧雪花

日長燕寢無公事忽憶故人雲水邊包裹其芳慰幽
獨使君風味故依然

仲春有懷

青山四面擁江城暮角聲中淡月明自倚闌干生白
髮無心行樂趣春晴

西湖景物元瀟灑楊柳新來兩岸垂亦有游人往來
卷六

否不應閒過看過看花時

老木高枝不可攀玉泉飛出半崖間如何借得清冷水一洗瘡痍為解顏

楚翠亭邊花正開道鄉臺下石崔嵬崔主人今有此客

否客亦思君日百回

想見城南春水深春來夜夜動歸心隔牆李子應無恙為託飛鴻寄好音

次韻無為使君尊兄見寄之什

江山接境相望近風雨一春音問疎安得從公茗雪

上幅巾一葉引看書

從呂揚州覓芍藥栽

揚州風物故依然夢想他時楚水邊乞與靈根歸自

種梢頭繭栗看新年

鶴

月底風前意味多不妨佇立勝婆娑軒中君子知多少遣汝乘軒看若何

望廬山

却望廬山倚拖樓半空宿靄未全收蒼然五老獨獻狀似欲勸人求一游

十二月乙卯登岳陽樓丙辰再登

維舟徑上岳陽樓風雨排空暝不收明日重來天色好君山元自翠光浮

舟行湘陰道中雲作

歲晚歸來風雪裏有懷端復為誰開江清沙白湘陰

路却似當年訪戴回

登樓

風雨經旬只閉門朝來倚檻已春深不知花片飛多少但覺江城漸綠陰

題城南書院三十四詠

差差竹影連坡靜細細荷風透屋香午寂睡餘聊隱几人間何用校閑忙

新竹成林葉葉青隔籬深處有蟬鳴晚涼更覺長堤靜自遠荷花待月明

塔前樹影開還合葉底蟬聲短復長睡起更知茶味永客來聊共竹風涼

新涼物物有精神靜倚書牕聽雨聲忽憶子綦元未

解強分天籟太窈生

凌晨騎馬路新涼來挹湖邊風露香妙意此時誰共

領波間鷗鷺靜相忘

林塘過雨不勝秋萬蓋跳珠寫碧流倚檻孤吟天欲

暮更穿芒屨上方舟

山色頓清秋欲半湖光更淨日平西涼風獵獵低荷

蓋歸翼翩翩度柳堤

湖邊小築喜新成秋入西山照眼明不是厭喧來覓

靜四時光景本均平

秋風颯颯林塘晚萬綠叢中數點紅若識榮枯是真

實不知何物更談空

移得幽蘭幾本來竹籬深處手栽培芬芳不必紉爲

佩月白風清取次間

今年少雨菊花遲青蕊方開三兩枝但得悠然真意在青山何處不相宜

秋後冬前一月晴小園佳處日經行半山木落檉臺露幾樹霜餘橘柚明

鏡鼓喧阗十里城人情正喜上元晴瘦筇獨立湖邊路却有白鷗同眼明

和風習習禽聲樂晴日遲遲花氣深妙理冲融無間斷湖邊佇立此時心

曉來天氣更清新獨倚欄干正暮春落花花開鶯自語東風吹水細鱗鱗

花柳芳妍十日晴五更風雨送餘春莫嫌紅紫都吹

盡新綠滿園還可人

並湖數畝新疏濶便有魚兒作隊行我亦隨流浮小艇晚涼細看縠紋生

無言桃李也成陰葉底黃鸝自好音一縷爐煙清晝永韋編卷罷短長吟

化工生意源源在靜處詳觀總不偏飛絮滿空春不盡新荷貼水已田田

野艇新成尋丈許柳堤橘浦足周旋添篷不但爲遮日準擬乘涼聽雨眠

暮從別墅跨驢歸風雨蕭蕭泥濺衣出門回首且按轡細聽泉聲和式微

陰陰松竹影自轉午枕無人到北牖何許狂風來動

地夢回波浪淘春江
踈竹蕭蕭正雨聲
眼中日影入還晴
鈎胸燕坐夏將
半荷葉已香湖水清
莫道閒中一事無
閒中事業有工夫
閉門清晝讀書
罷掃地焚香到日晡
亭畔薰風盡日涼
來從水面過新篁
悠然但覺盈襟
抱千古虞絃意未央
拍堤水滿草茸茸
盡日野航西復東
欲去未須愁日
暮月明波面更溶溶
烏雲天矯風作惡
雷奔電掣雨懸河
須臾天宇復清
霽突兀西山紫翠多
朝陽初上藕花香
下馬靈亭一味涼
山鳥自呼魚自

樂誰云身世可相忘

北牖竹簾午陰涼
亦有清風到我旁
還與陶公事同
否未妨諸子細商量

睡覺西山月正平
荷香不斷曉涼生
園中雙鶴知人
意已作金風驚露聲

西風夜半摧炎暑
曉看雲橫天際秋
時序轉移皆妙
理惟應及早戒衣裘

新涼修竹意愈靜
初日芙蓉色倍鮮
物態直須閒裏
見人情多向快中偏

四面紅蕖鏡綠波
晚涼奈此野情何
憑城更覺看山
穩入戶還欣得月多

殷雷終日在前山
風卷雲環意作難
薄暮有懷空佇

立忽然飛雨到欄干

臘月二十二日渡湘登道鄉臺夜歸得五絕

三年不作山中客才踏船舷眼便明
曳杖直登千尺磴尚欣脚力慰平生

舊日書堂倚翠屏只今棟宇尚高明
門前恍若聞絃誦瀟瀟遠牆流水聲

道旁老松高拂雲剡心取明彼何人
說與往來須愛護雪霜時節看長身

人來人去空千古花落花開任四時
白鶴泉頭茶味永山僧元自不曾知

湘江歲晚水清淺橘洲霜後猶青葱
歸舟著沙未渠進且看漁火聽疎鐘

次韻許深父

日日經行只小園靜攜卮竹聽鳴泉
此時心事何人共素壁題詩第幾篇

西山老木正亭亭雲影參差陰復晴
手卷殘書天欲暮聞君剝啄叩門聲

却下斜坡並柳堤雙飛燕子正啣泥
紛紛風雨春將半深漲平湖橋柱低

下瞰寒江百尺坡小松新種也婆娑
栽培擬待凌雲日眼底浮花奈若何

年中一稔願無餘漸喜微呼息里疇
贏得閒身學農圃未妨斜日帶經鋤

初夏偶書

江潭四月熟梅天頃刻陰晴遞變遷掃地焚香清晝
永一牖修竹正森然

墨梅

眼明三伏見此畫便覺冰霜抵歲寒喚起生香來不
斷故應不作墨花看
日暮橫斜又一枝水邊記我獨吟時不妨更作江南
雨併寫青青葉下垂

謝韓監芍藥

一年春事雨聲裏十里揚州夢想邊眼底名花煩折
贈君家風物自嫣然

龍孫竹生辰陽山谷間高不盈尺細僅如針而
凡所以爲竹者無一不具予寘石斛中莫春生

數筍森然可喜爲賦此

小竹如針能具體方春茁筍更堪憐乾坤妙用無餘
欠隱几旁觀爲莞然

葉夷中屢以書求予記敬齋予往年嘗爲親舊
爲記及銘矣今獨成兩絕句寄之

聰明用處翻多暗機巧萌時正自癡若識聖門持敬
味臨深復薄更何之

向來屢看敬齋語正恐多言意未明今日報君惟一
句工夫端的貴躬行

謝侯彥明惠白蓮栽

添得湖光百畝餘湖邊早已長菰蒲更移玉井峯頭
種還有花開十丈無

青鞋不踏遠公社，偶共灑溪嗜好同。
少待熏風開玉鏡，與君來賦月明中。
周濂溪有愛蓮說

書妙應庵壁

胸芥新竹淨娟娟，借我風涼一榻眠。
試問莊周說鵬鷃，何如洙泗舉魚鳶。

壽定叟弟

今年黃菊開花早，手撚芳新壽一杯。
不用南陽三斛斛，家山根蒂好栽培。
堂堂自昔源流遠，衮衮方來事業長。
駟馬安車遵大道，正須緩轡不須忙。
向來相望各天涯，兩載團欒似舊時。
只恐桐江來趣駕，明年把酒又相思。

嶽後步月

衡嶽山邊霜夜月，青松影裏看嬋娟。
正須我輩為領袖，寒入衣襟未得眠。

訪羅孟弼竹園

籃輿嘔軋上荒坡，奈此綠城修竹何。
歷眼向來誰復領，買山未覺費金多。

林深谷窈路詰曲，慘澹西山橫遠青。
想得天寒來獨倚，空雲鬢下湘靈。

江梅獨立蔭頽墻，苔蘚封枝色老蒼。
手剪荆榛增歎息，眼中春意滿三湘。

知君日來修竹底，却課市樓朱墨程。
應是禪門嫌揀擇，不論清濁要圓成。
擬相觀孟弼方簿書

臘月二日攜家城東觀梅夜歸

前日看花正薄陰重來晴日更精神莫教容易飛花片且放千林自在春

元自陽春無間斷何人能識化工心梅邊把酒日近午鳥語風微花氣深

晴日東山飽看花歸來野路已昏鷓坡頭認得踈籬處蒼苔林中李老家

仰看鴻鴈思台弟連日清游只欠渠不知千里江南路亦有梅花似此無

題度樓

南瞻廬阜北淮山下有長江萬頃寒往事無邊隨去浪西風有客傍欄干

城南即事

活泉細引忽盈溝自造書齋澆澆流添得眼前無限思石橋竹塢共清幽

一春風雨水平湖更覺湖心月榭孤坐看百花開落遍依然山色對清廬

東風吹得綠成陰積雨初收柳絮輕記取湘中最佳處橘花開時香滿城

月榭當湖景最奇故人千里寄新題背闌看字成相憶何日能來步柳堤阮榭新寄

茅亭水溜四周遭花木經春一一高却望西山隔江水徑思一葉泛雲濤新亭名

枕邊風雨過今春起步園林已綠陰更向坡頭望湘

浦水雲無際遠送岑病起

次韻劉樞密

朔風漠漠低黃雲曉看繽紛萬鶴群為應農祥看一
展更將餘力付斯文
燕寢凝香意自長不須乘月據胡床新正更喜身強
健和氣都歸栢子觴

是日二使者出游晚涼有作

踈風細雨隨華節西浦東山摠勝游拙守亦忻涼意
好挑燈清坐讀春秋

趙使者游東山酒後寄詩走筆次韻

頗聞東山盛行樂坐想風前酒興豪領略正應胸次
別吟哦更覺筆端高

綉衣雙節從天下文字皆稱一世豪桂山發地凜千
尺新詩與之相並高
壯歲幾成山水癖年來袖手不能豪忽傳燈底詩篇
好但想雲間衮齒高

次韻范至能峽中見寄

合綰絲綸對紫薇却捫青壁聽猿啼祇應許國心金
石蜀道如天亦可梯

前日從趙漕飲因得徧觀所藏書帖之富既歸戲成三絕簡之

烏雲天矯天欲雨虛堂美蔭共徜徉開奩百軸驚傳
玩耍覺人間六月涼

舊藏自是承平物新軸收從古道旁人間好事戒多
卷六

得防有雷霆下取將李金之亂護漕為寧遠寧蜀守
馬就觀雜泥土下
今古驅馳翰墨場何人下筆到顏揚君侯知我有書
癖乞與西臺字幾行

題馬氏草堂復齋聽雪

前鄰百鬼瞰高明夜雨華棖歎昔人却愛君家鴻鴈
集還能葺理草堂春

今古茫茫浪着鞭誰知聖學有真傳請君細誦復齋
記直到羲文未畫并

平生求友人千里永夜論心雪滿胸為問蒲團聽修
竹何如一舸泛清江

送林擇之

遺篇寂寞論心少一見吾人意已傾冰雪持身金石
志他年事業更光明

南軒先生詩集卷第七

律詩

次韻趙漕

中宵憂歲不成寐一雨為霖敢自虞應是行臺借餘
潤故教均澤及樵蘇
雨聲歷歷來庭戶喜事津津到澤虞擊壤徑思同野
老名亭詎敢學坡蘇

和荅鄭憲分贈米帖

字中有筆米博士片紙人間什襲藏好帖袖歸終日
看從渠車馬開康莊傾城出遊

偶作

世情易變如雲葉官事無窮類海潮退食北牕涼意

滿卧聽急雨打芭蕉

偶成至前

公庭過午無餘事退食歸來獨坐默時晴日半窻香一
縷陽來消息只心知

送鄭憲酒

晴日南山几杖俱躋高選勝不須扶也知坐上多佳
客可着青州從事無

再和

想得徑行與客俱身強寧復要人扶晚來山色應難
盡千里青蒼看有無

韓廷玉築亭於官舍之旁園中故多梅亭成會有飛
雪予因題其扁曰梅雪蓋取少陵詩語而劉公

貢父送劉長官掌廣西機宜嘗用此事有雪片
梅花五嶺春之句今廷玉適為此官于以名亭
抑其宜也亭邊花木多吾弟定叟舊植故予首
章及之

城陰一徑自深窈花木成行菊遠籬細說當時經始
事夢回春草費相思

南州韻最是梅開早北客巡簷偏眼明一夜飛花來點
綴新亭端復得佳名

眼底風光正自佳滯留何必歎天涯日長况是文書
省且與閑吟對落花

立春日禊亭偶成

律回歲晚冰霜少春到人間草木知便覺眼前生意

滿東風吹水綠差差

和陳擇之春日四絕

花落花開摠可憐
嶠南亦復好風煙
雨餘起我故園
夢漠漠浮鷗水拍天

年華冉冉春將半
花事忽忽雨滿城
想復東郊變新
綠未妨攜酒趁初晴

泗上當時鼓瑟人
風雩豈是樂閑身
言外默傳千聖
旨胸中長有四時春

日長漸有簡編樂
春半已將櫻筍來
無數青山相對
藉有時明月共徘徊

元日

古史書元意味義存春秋
揭示更分明
人心天理初無

欠正本端原萬善生

從鄭少嘉求貢綱餘茶

貢包餘璧小盤龍
獨占人間第一功
乞與清風行萬

里為君一洗瘴雲空臺

茗事蕭疎五嶺中
修仁但可愈頭風
春前籠焙令人
憶知與故人風味同

初食荔枝

開奩未暇論香味
便合令居第一流
細擘輕紅傾瑞
露周南端復且淹留

照水依山祇自奇
晞風沐雨借光輝
冰肌不受紅塵
浣頰頰從教酒暈肥

嶺南荔枝不可寄
遠龍眼新熟輒以五百顆奉

晦叔或可與伯逢共一酌也

荔子如今尚典刑
秋林圓實著嘉名
雖無顧玉南風面
却耐筠籠千里行
手自封題寄故人
聊將風味赴詩唇^精
疏不汗華清驛騎塵

壽定叟弟五絕

聞說清朝對紫宸
君王側席屢咨詢
惟應民瘼開陳切
故遣分符驗撫循

聞說嚴人愛戴車
呻吟赴愬賴携扶
從今充擴應無

倦千里疲民待子蘇

聞說年來更老成
清心寡欲厭紛紜
固知造物有深意
端享脩齡看策勳

秋風想已治歸裝
吾亦扁舟具碧湘
世味祇應諸歷遍
何如兄弟對方牀

年年桂綻菊開時
長憶芳樽共一卮
請誦周人和樂句
全勝三歎陟岡詩

丙申至前五日復坐南牕憶去年詩又成兩章

依然紅日照牕榻
還是去年消息時
妙理不須尋轍迹
只於生處驗新知
新晴物物有春意
正值一陽來復時
變化無窮俱是易
探原密處起乾知

題雉山禊亭

一江曲清正可憐
隔江新竹露娟娟
好風成我曲肱夢
起看飛雲度碧天

夢乘大舸卧泛江湖波濤甚壯醒乃悟其為雨
因成小詩

平生得意白鷗外歲晚歸心鴻鴈俱蕉葉雨聲喧曉
枕夢成風楫泛江湖

南嶽庵僧寄上封新茶風味甚高薄暮分送韓
廷玉李嵩老

浮甌雪色喜初嘗中有祝融風露香徑欲與君同啜
賞短檠青夜正相望

跋王介甫遊鍾山圖

林影溪光靜自如蕭疎短鬢獨騎驢可能胸次都無
事擬向山中更著書

歲晚烹試小春建茶

陽月藏春妙莫窺靈芽粟粒露全機煮泉獨啜寒牕
夜已覺東風天際歸

昨過漕臺庭前茶蘼盛開已而詹體仁海棠和
章及此因用前韻賦兩章

玉立春深雪不如生香透骨雪應無莫遣飄零雜塵
土芬芳留入碧琳腴

紛紛花片逐風飛綠幄藏春自一奇不入時人紅紫
眼却須我輩與題詩

所思亭海棠初開折贈兩使者將以小詩

未須比擬紅深淺更莫平章香有無過雨夕陽樓上
看千花容有此膚腴

東風著物本無私紅入花梢特地竒想得霜臺春思

滿一枝聊遣博新詩

廖憲送牡丹用海棠韻復走筆戲和之

綠葉滿園風雨餘君家花事嶺中無眼明見此復三
歎京洛名園憶上腴

報答春光須著語年來老我不能奇風前媚好有餘
態未必此花如此詩

定叟弟頻寄黃蘗仰山新芽嘗口占小詩適突
患亡聊又不得遣寄今日方能寫此

瘴雨昏昏梅子黃午憩歸夢一繩床江南雲腴忽到
眼中有各家棠棣香

集雲峯頂風霜飽黃蘗洲前水石清不入貢包供玉
食祇應山澤擅高名坡公賦勝土草未為確論予謂建茶
如臺閣勝土草茶之佳者如山澤

高人各有風
致未易疵也

益陽南境松杉夾道鬱然父老相傳忠定張公
為邑時所植也其間亦有既剪而復生者作詩
屬來者護持之

夾道松杉半老蒼前賢餘澤未應忘君看直幹連雲
起豈但當年蔽芾棠

登楚野亭見張舍人題字

英豪自昔多遺恨人物于今正眇然來訪舍人題字
處淡煙莎草滿平川

城南雜詠二十首

納湖

原原錫潭水匯此南城陰岸花有開落水盈無淺深

東渚

團團凌風桂宛在水之東月色穿林影却下碧波中

詠歸橋

四序有佳趣今古蓋共茲橋邊獨微吟回首忘所之

船齋

窓低蘆葦秋便有江湖思久已倦垂綸游魚不須避

麗澤

長哦伐木篇佇立以望子日暮飛鳥歸門前長春水

蘭澗

藝蘭北澗側澗曲風紆餘願言植根固芬芳長慰予

山齋

疊石小崢嶸修篁高下生地偏人迹罕古井轆轤鳴

書樓

高樓出林杪中有千載書昔人不可見倚檻意何如

蒙軒

開軒僅尋丈水竹亦蕭疎客來須起敬題榜了翁書

石瀨

流泉自清寫觸石短長鳴窮年竹根底和我讀書聲

卷雲亭

雲生山氣佳雲卷山色靜隱几亦何心此意相與永

柳堤

前年種垂柳已復如許長長條莫攀折留待映滄浪

月榭

危欄明倒影面面湧金波何處無佳月惟應此地多

考x

x

濯清亭

芙蓉豈不好濯濯清漣漪采之不盈把悵暮忘饑

西嶼

繫舟西岸邊幅巾自來去島嶼花木深蟬鳴不知處

淙瑋谷

幽谷竹成陰懸流着石清不妨風月夕來此聽淙瑋

梅堤

亭亭堤上梅歷歷波間影歲晚憶夫君寂寞煙渚靜

聽雨舫

風吹渡頭雨撼撼篷上聲欣然會心處端復與誰評

采菱舟

散策下亭阿水清魚可數却上采菱舟乘風過南浦

南阜

湘水接洞庭秋山見遠碧南岸時一登搔首意無數

游嶽尋梅不獲和元晦韻

眼看飛雪洒千林更着寒溪水淺深應有梅花連夜

發却煩詩句寫愁襟

十三日晨起霜晴用定玉臺韻賦此

晴嵐開嶽鎮雲雨斷陽臺日出寒光迥川平秀色回

興隨天際鴈詩寄嶺頭梅盛事它年說憑君記玉杯

用元晦定玉臺韻

珍重南山路驅羸幾度來未登喬嶽頂空說妙高臺

曉霧層層歛竒峯面面開山間元自樂澤畔不須哀

馬上口占

向來一雪壓霾昏曉跨征鞍傍水村七十二峯俱玉
立巍然更覺祝融尊

馬上舉韓退之語口占

擾擾人心墮渺茫更於底處問穹蒼今朝開霽君知
否春到無邊花草香

和朱元晦韻

一見瓊山眼為青馬蹄不覺渡沙汀如今誰是王摩
詰為寫清新入畫屏

登山有作

上頭壁立起千尋下列群峯次第深兀兀籃輿自吟
詠白雲流水此時心

和元晦馬跡橋

便請行從馬跡橋何須乘鶴造叢霄殷勤底事登臨
去不為山僧苦見招

方廣道中半嶺少憩

半嶺籃輿小駐肩眼中已覺渺雲煙山頭更盡無窮
境非是人間別有天

道中景物甚勝吟賞不暇因復作此

支筇石壁聽溪聲却看雲山萬疊新揔是詩情吟不
徹一時分付與吾人

崖邊積雪取食清甚賦此

陰崖積雪射寒光入齒清甘得味嘗應是山神知客
意故將瓊液沃詩腸

和元晦後洞山口晚賦

石裂長藤瘦山圍野路深寒溪千古思喬木四時陰
更得尋幽侶何妨擁鼻吟笑看雲山岫誰是此無心

和元晦雪壓竹韻

山行景物惣清竒知費山翁幾許詩雪急風號聯騎
日月明霜淨倚闌時

和元晦懷定叟戲作

路入青山小作程每逢佳處憶吾人山林朝市休關
念認取臨深履薄身

方廣聖燈

陰壑傳聞炯夜燈幾人高閣費追尋山間光景祇常
事堪笑處窳萬種心

賦羅漢果

黃實累累本自芳西湖名字著諸方里稱勝母吾常
避珍重山僧自煮湯

和元晦詠畫壁

松杉夾路自清陰溪水有源誰復尋忽見畫圖開四
壁悠然端亦慰予心

和元晦方廣版屋

葺蓋非陶埴年深自碧差如何亂心曲不忍誦秦詩
和擇之賦泉聲

試問今宵澗底聲何如三歎有餘音堂中衲子還知

否月白風清底聲尋

和擇之賦霜月

月華明潔好霜天遙指層城幾暮煙妙意此時誰與

寄美人湘水隅娟娟

和擇之賦枯木

陰崖虎豹露鬚牙元是枯槎着蘇花不向明堂支萬
祀玄冬苦節未須誇

聞方廣長老化去有作

夜入精藍意自真上方一笑政清新山僧忽復隨流
水可惜平生未了身

賦蓮花峯

玉井峯頭十丈蓮天寒日暮更清妍不須重詠洛神
賦便可同賡雲錦篇

和元晦詠雪

兀坐竹輿穿澗壑仰看石徑接煙霞是間故有春消

息散作千林瓊玉花

自方廣過高臺

兩寺清聞磬群峯石作城風生雲影亂猿嘯月華明
香火遠公社江湖鷗鳥盟是中俱不着俯仰見平生

賦石廩峯

巋然高橐倚晴天獨得佳名自古傳多謝山中出雲
氣人間長與作豐年

道傍殘火温酒有作

陰崖衝雪寒膚裂野路燃薪春意回旋暖提壺傾濁
酒陶然絕勝夜堂杯

和元晦林間殘雪之韻

眼中光潔盡瓊瑤未覺鬱藍宮殿遙石壁長林冰筋

落鏘然玉佩響層霄

和擇之看雪

嶽背三冬雪真同不夜城野雲何晃蕩澗水助空明
行橐多新句青山有舊盟堂堂身世事渠謾說三生

和擇之福巖回望嶽市

回首塵寰去渺然山中別是一風煙好乘晴色上高
頂要看清霜明月天

福巖讀張湖南舊詩

茲遊竒絕平生事只欠瀛仙冰雪姿元是經行題品
地却從山陰誦新詩

和擇之登祝融峯口占

祝融高處好拂石坐林端雲夢從渠小乾坤本自寬

回眸增浩蕩出語覺高寒明日重來者寧應取次還

和元晦晚霞

早來雪意遮空碧晚喜晴霞散綺紅便可懸知明日
事一輪明月快哉風

過高臺攜信老詩集

蕭然僧榻碧雲端細讀君詩夜未闌門外蒼松霜雪
東比君佳處讓高寒

和元晦贈上封長老

上方元自好一榻有餘清祇趁晨鐘起寧聞山鳥聲
高僧足幽事野客富詩情試問峯頭景今朝作麼生

和元晦醉下祝融

雲氣飄飄御晚風笑談嗟吸滿心胸須臾斂盡還空

碧露出天邊無數峯

和元晦十六日下山之韻

歸袂隨雲起籃輿趁雪明山僧若留客世故却關情
小倚枯藤杖聊聽絕澗聲如何山下客一笑已來迎

和擇之韻

山中好景年年在人事多端日日新不向青山生戀
着祇緣身世認階非真

和擇之韻

舊說峯頭寺真成杖屨來却尋泥路滑更喜野雲堆
寒積三冬雪陽生九首地雷城中幾親友為說看山回

題曾氏山園十一詠

尚綱堂

昔人為已學深旨妙隱微三復尚綱章服膺願無違

夕陽臺

日暮天無風岸巾夕陽中回首發遐想明月已升東

橘泚

我家湘水濱年年賦徠服君家百畝田晚歲千樹綠

霜傑

種松苦難長松長還耐素久莫作目前思但種門前柳

菊隱

不肯競桃李甘心同艾蒿德人一題品愈覺風味高

君子亭

嘉蓮秉嘉質解后逢賞音翁豈玩物者寄意一何深

蓼步

扁舟橫薄莫渺渺
蓼知秋家山有江湖
何必賦遠遊

北山
南山煙雨霏
北山風露多
衣沾非所惜
屨濕知如何

梅沼

寒梅只自芳
野水有餘清
山空歲云暮
妙意相發明

桃花塢

花開山與明
花落水流去
行人欲尋源
只在山深處

吟風橋

橋邊風月佳
俛仰有餘思
無忘履冰心
方識吟風意

昨日與周伯壽別終夕雨小詩追路

夜雨虛簷響
徹明地蒸衣
潤欲生雲想
君渚路頻回

首我亦書窻
倍憶君

自西園登山

日光射崖冰
雪色風壑傳
響松龍吟
但忻耳目得
所遇不覺山高
幾許尋

此詩在第五卷

宋本無下二詩

南軒先生詩集卷第七



于林經樓

五